


HEPELEU, KAPETULU

KAMUCHITANU NAKAMWE ³

 Chimene chamwaza, masepa. Chinapu lisesa lyakupwa hano. Kaha—kaha kuzalishiwa kulumbununa echi chachinene kufuma kuli pashita wetu punduvene kumbata kuyoya chivene, keshi ngochoko? Shikaho etu tuli nakuhana kwalisa kuli Mwata ha ngolo Jenyi josena na jikeke Jenyi jitwame nge Ikiye natuhane etu kuhichila mumyaka.

Jino Ngunapu na kuvilika chachindende chakulinga. Umwe, etu, Ndumbu walunga Wood na Ndumbu walunga Roberson, kaha etu twatondo kusakwilila hali etu vosena, kupwa wakukingiwa. Twapwanga na lwola lwamwaza; ayile makumbi awana na chimbwa, Ngwafwelela, kaha kukinduluka cheka mumuchano. Ou Mwata atulwekele etu.

⁵⁰⁶ Jino, etu tunahambakana uze Ndumbu walunga Graham Snelling, kuhizumuka chenye, chili nakutwalilaho, helu ku—ku makumishilo a Brigham Avenue, ha... mumbongi hano. Kaha echi chili nakwiza cha Chitatu naufuku... Ngwatondo kuya hamene, hanyima ya kutanga cha chililo hali umwe Nanguya nakuvilika mutando kakandende. Etu natuya nakukwecha kutachikiza Chitatu naufuku. Etu twatondo kuya nakupwa vangeji, vyosena, kutambukila Ndumbu walunga Graham shimbu kanda ikiye asoke kutangisa chenye kuze. Kaha etu natuya nakweseka liuka lyosena kupwa hamwe, kachi etu tunahase, kaha kuya nge vangeji kukuliwana, kupwa na Ndumbu walunga Graham mukutangisa chimwe chenye.

⁵⁰⁷ Kaha, jino, uno musana ha—ha undertaker establishment ku Charlestown, napu—napu Pwevo lya Colvin, uze ejile kuliuka hano mummyaka yayivulu kunyima okwo, seвете fwo yakusemuka, asezanga echi chiyoyelo zau kuya nakupwa na Mwata Yesu. Kaha chililo chenye chinapu kunangula chamu Chimwe, hali Wamulemu Mukulwane McKinney, apwilenga, wamwaka, pashita wamu liuka lya Mesondisiti ku—ku Port Fulton myaka yayivulu, uze apwilenga sepa lyami muli vakiko. Kaha Ngwatela kumukafwa, Muchimwe, ku, Ngwafwelela chinapu chipwa chamuchitatu, kuze ku—kuze ku chapel ya Charlestown, Indiana. Kaha enu masepa vosena va kuchisaka cha Colvin kutonda, Ngunatachikiza, nanguya nakusakwilila jino nakupwa nakumika chindende mokomoko na... kulimenaka chindende. Mwomwo etu tunatachikiza chumamuka chize, etu tunapunga nakushikumuka kuhita muli vaze, muvyana, etuvavene, kaha kutachikiza omu

chalumbunukila kupwa sepa. Kaha shikaho etu...Ikiye wakusavala muze mu—mu chapel jino, ku Charlestown, Indiana. Kachi ove muya na musana uno, mwomwoika, nachiya nakupwa chakusakwilila ha chisaka cha Colvin, Ngunafwelela. Vathu vavavulu veji kwizanga kuno ku mbalaka. Ngunambate, kufunda, kujimika, hakamwihi vene, na chisaka chavo, kuhita. Kaha shikaho Mukulwane Grayson, uze apwilenga nakupwa umwe wetu twalihachilenga hano, napu umwe undertaker kuze.

⁵⁰⁸ Kaha jino echi, ufuku uno, nge Mwata netava, kuze etu natuseza chimene chino, etu natuya nakweseka kumbata ufukuuno, mu kutanga chachinene echi etu tuli nakutanga jino. Kaha jino Ngwashinganyeka chize chapwile kuvilika, nge—nge omu Ngwa—Ngwatachikiza. Kaha echi kwiza cha Chitatu naufuku, jino, etu natuya nakuvilika echi ufuku nge etu tuli nakuya nakupwa na Ndumbu walunga Graham.

⁵⁰⁹ Kaha etu twakwitavila vosena vangeji muvikolo vyetu. Kaha etu twawahilila kupwa na enu hano chimene chino, kaha kulomba nge Kalunga mwaya vene, mukulisala, kukukisula lelo ha kukunguluka echi.

⁵¹⁰ Ndumbu walunga Cox nangulweke nge kutangisa chakulikungumbuwa chakulimanyina chakazachile kanawako halwola kana. Cheji pamo, pamo kutesekesa na ngonde, chikekeshi muli vize vihungo vyakuhanjikila. Kaha vakiko kaveshi vamwazako, kukuputuka na, shikaho echa chipwenga chakulingisa.

⁵¹¹ Nge omu Nangumona ndumbu wapwevo natwame hano nge Ngunatachikiza, Ndumbu wapwevo Arganbright, Ngwa... Echi kacheshi chamwazako na—na jishimbi ja chisemwa, kulomba echi, oloze munevu kufuma kuli Ndumbu walunga Arganbright kufuma haze ikiye napunga haze? Nguli nakufwila kwivwa kufuma muli ikiye haze vene etu natuhasa. Ikiye ali mu Switzerland na ku Germany, mu kuliwana kuze na Ndumbu walunga Tommy Hicks na Paul Cain. Kachi ove muya nakwivwa, Ndumbu wapwevo Lute, ove mwecha yami kutachikiza jila yakwoloka, washiwashi nge omu unahashila.

⁵¹² Jino, eyi mbalaka yayindende kayeshi navamembalako, oloze etu tulina kupwa nakulikata. Etu katweshi na jishimbi jauthuko oloze Kulishitu, kakweshi lushimbi oloze zangi, mukanda wauchi shina eyi Mbimbiliya. Ou ukiko Mukanda etu tunatachikiza, kaha chuma chimwe kaha etu tunatachikiza, nge etu tukwechi. Nge Manyinga a Yesu Kulishitu atutomesele etu kufuma kushili josena, etu natupwa na kulikata umwe namukwavo, kalamuthu.

⁵¹³ Ngwapwanga nakumona, chimene chino, kuli vathu vamwe vanahase kwivwa ndumbu walunga kulomba. Uze apwile muka Katolika, shikaho, mokomoko apwilenga muka Katolika. Kaha etu tukwechi vyakufwanyisa vathu kwiza hano. Kupwa na lisesa,

hatando yayindende kunyima okwo, kulimeneka mulivoko cha ndumbu vamu Mennonite vaze vanatwame muno. Kaha kufuma kuli vaka Mennonites, kufuma kuli va Mesondisiti, kufuma kuli va Mbaputishiti, na va Katolika, mokomoko wosena vahashile, echa vakiko vezenga. Kaha etu mukulikata hamwe kujinguluka cha kukisula cha Lizu lya Kalunga. Ou natwame aha napu muka Jehova Witness na miyachi yakuhandanuka ya vathu, na, vakufuma kuvikungulwilo vyakuhandunuka.

⁵¹⁴ Ngwapwilenga na zangi (chamwaza, Nangulinga) Mulauko. Ngwazanganga vimbulu na vangombe. Ngwapwile wakukulishila muwande, kaha Ngwa—Ngwakuzanga echi. Kaha etu twapwilenga na vyakujinguluka, kaha Nanguya navo. Kaha etu twapwilenga na chipato. Ngunahono kutachikiza nge enu muvathu va Kumututuko mwatachikize aze masikipa, mokomoko chiku. Echi chinapu omwo enu namuhaka vangombe mu—mu mumusenge, vakiko vapwilenga na chipato aze ahoneselenga kukinduluka kunyima, aze vavulukilana, kinduluka shikumuka kumulaka. Vakiko vahashilenga kulya mwila, muze vapwile nakukulisa mwila wa kulya muchishika. Kaha jino helu muze mupili, vakiko nawa kupwa na chipato, kuze vahandunuine vavavulu mapwevo na malunga, na vyangocho. Vachivuluka vipango. Oloze chipato chivene chinapu muze mukakulama tunyama mwemana omwo vangombe valinakuhita.

⁵¹⁵ Kaha jino Ngunatwame kuze, makumbi amavulu, musapato yami, kaha kutala hali vakiko nge vangombe vanahase kuya nakuhita. Kuze kwapwilenga miyachi yakuhandunuka vengililamo. Vamwe vavavulukile kupwa “Diamond.” Kaha vamwe vavavo vavavulukile kupwa “Bax X.” Kaha vamwe . . . Chetu chapwile “Tripod,” chumachimwe nge Kanyike walunga na chifwanyisa cha Scout. Uze mukwavo, mwishi yacho, apwile vene “Turkey Track,” ha chimbulu. Kaha vakiko vapwile na vyosena namiyachi yakuhandunuka, ku—kutachikiza vangombe javo omwo vakiko vavafumishile.

⁵¹⁶ Jino, uze mukakulama tunyama kahakileko manganako nauze muyachi vakiko vapwile nawoko, oloze hano hakiko, uze mukakulama tunyama atondelenga kutala kazekoso kulitwitwi lyavo. Vyuma vyosena vize vyengile muze, chipwetuhu muyachi uka wapwilenga, watelele kupwa Hereford. Kahashile kwingila muzeko kuvanga apwile Hereford. Atela wakusonekesa kumuyachi kana mokomoko kaveshi kumwingisako.

⁵¹⁷ Ngwashinganyeka, ha likumbi lize omwo Mwata mwakeza, Ikiye keshi kuya nakutala kala muyachi uka wavwala, oloze kachi etu vosena twasemuka chachihya Vakakulishitu. Echi chakwoloka. Uze wapwile mulaka wa Kulishitu. Aze Manyinga kuya nakwinjikiza na etu, etu twapwa vosena Vakakulishitu. Kaha kachi etu natuya nakupwa mujila kana *kuze*, etu tunahase kupwa kanawa kupwa mujila kana hano. Kanda kushinganyeka

ngochocho? Ize yiiko jila, etu twasakwilila ha kukikata chosena kufuma mumauka akuhandunuka.

⁵¹⁸ Jino etu tuli nakutanga mu Mukanda wa Hepelewu. Ndumbwetu walunga umwe awahiilile nawo chikuma palanga ambachile jitepu kaha ikiye ali nakutuunga mukanda wakutangisa hali echi.

⁵¹⁹ Jino etu natuya nakwiza, washi washi, ku kapetulu 11. Etu tulinakushinganyeka kupwa na chize muchishika, mu kapetulu 11. Mwomwo vaze vosena, etu twafwila kuya kunyima kuhichila mu Mukanda kaha kukasa Chisoneka chosena hamwe. Ngwapwile nakuya nakulinga echi. Ngweji kulinga muchihanda, ha vyuma vimwe evi, ha tupetulu vamwaka, kupwa na Mukanda wakukasa hamwe. Mwomwo, munamono, Chisoneka chatela kwinjikiza Chisoneka.

⁵²⁰ Shikaho, kachi kuli kala kulimbalaka, nge kalamuthu mwaya nakushinganyeka nge evi Visoneka kulimbalaka chimwe nachikwavo, echi chikiko kuseuka. Kakweshi Chisoneka nachilimbalaka na Chisoneka. Chize—chize kulimbalaka chili pamo Echi chinalimbalaka na jijila jetu kutalisa hali Echi, oloze Echi kachalimbalakako Chivene. Ngunapunga mu mulimo, kuya ha myaka twende sikisi jino, kaha Kanda lyehi, lwola lumwe, kuwana chuma chimwe mu Mbimbiliya nachilimbalaka na kala chuma chapwile chakusoneka mu Mbimbiliya. Kaha Ngwa—Ngunatachikiza nge kaweshi muzeko.

⁵²¹ Kaha lelo etu tuli nakutanga muli kapetulu umwe wakukisula wa vaka Hepelewu, kapetulu 7. Kaha kuli wosena muthu keshi na Mbimbiliya ko, nahase kukavangiza kutanga, etu natuya nakupwa vakuwahilila kuneha Mbimbiliya kachi ove muya kaha nakuzundula livoko lyove. Nanguya nakupwa navamwe vakulwane, muthuumwe, kwiza kuno nakupwa navimwe. Muthumwe kukatula mavoko avo kuze. Kaha ngwasakwilila, ndumbu walunga. Kaha kachi ove unatondo Mbimbiliya, imika livoko lyove, kaha vakiko navaya nakukuneha ove.

⁵²² Jino, jila kaha liuka vanahase kutunga, mujila kaha muthu nahase kupwa na Lufwelelo, kacheshi ha chikungulwilo chenyi, keshi hakulisonekesa chenye. Oloze Lufwelelo kunokela ha kutanga cha vishinganyeka vimwe vya vathu, mwomwo chinapu, kuhambakana mokomoko pimbi, kupwa hamwe muthu. Oloze jila kaha ya Lufwelelo yinahase kuwana chihela chivene chakunokela, shina haze hakuzeneka kutambuka na kwalumuka cha Lizu Iya Kalunga. “Lufwelelo nalwiza ha kwivwulila, kwivwulila eli Lizu.” Omu mukiko nachitondeka. Kaha—kaha omwo Lufwelelo lwapwile kulutwe na kwitavila kutwama hayamyaka. Kakweshi chuma chekako chakutambukisa echiko, numbathu chumamuka nachiza mokomoko nachiya. Kakweshi chuma chinahase kwalumuna Lufwelelo. Shinganyeka chize.

Enu vanamijiki, kaha kamweshi cheka kwalumunako, ha lwola na Hayamyaka. Enu munapu vakujikijila hahayamyaka, “Mwomwo Kalunga, hamulambu umwe, nakupwisa hayamyaka vaze vajilika, mokomoko asanyika.”

523 Kaha Lufwelelo lwatwama na chihela chachinene muli Vakakulishitu, chikiko kuyoya chavakufwelela, nge chinahase kwimana kusali ya chimbumbembe chamavu mokomoko ku kofini, kuze kamba wamwaza mokomoko umwe uyema nafu kufuma muli chino kuyoya nakuya musali. Kaha nakutalisa kanawa nge liso lya ngonga, talisa hali Ikiye uze ambile ngwenyi, “Yami Kusanguka na Kuyoya.” Kaha vakiko kuvulyama vyuma vize vinahichi. Vakiko kushindakanya kutwala kupopo yakusanyika cha helu.

524 Ngunawahilila nge Kalunga nahane vyuma kana, kaha nalingisa echi kupwa wana wakanyombo kuli vosena. Echi chikiko mauka apwa. *Mauka* kalumbununa vikungulwilo mokomoko mazavu; echi kulumbununa, “Mazavu avathu, ava kakufwelela, vaze vanakunguluka hamwe mwishi ya kulikata cha eli Lizu.”

525 Kaha mukutangisa chamwaza hano cha Mukakujila Paulu, mu chikuku, cha tupetulu twamwaka, ikiye napunga vene nakuzata na kutuhwa cha Mutwe wa Mwata Yesu kaha Uze Ikiye apwilenga. Kulishitu apwilenga Kalunga, vamulingishile ngachize mangana vathu vamwivwe Ikiye kaha na kumukwata Ikiye, kaha—kaha kulikata na Ikiye. Kulishitu, ou Mwata Yesu, apwile mujimba uze Kalunga atwaminengamo, “Kalunga vamulingishile kupwa wamusonyi na kutwama muli yetu.” Chimoteu Watete 3:16, “Kaha kahatwama pamiko mangana akuswekawa akumukomoka Kalunga, anatoho chikuma ngwavo ou asolokele muchisemwa chahamavu.”

526 Uze Yehova wamunene ejile nakushikumuka na kupwa wakulumbunuka, ha kuyoyela mumujimba wa Mwana Wenyi Ivene, kusoloka na kuneha hamwe kaye kuli Lyavene. Kalunga kapwile chumako... Kulishitu kapwile wakukuminamo na Kalunga ko, kaha—kaha Kalunga wakukuminamo na Kulishitu ko. Ava vali hamwe kutunga Mutwe waukalunga mumujimba, kutanga mwishi chindende mwishi kuhambana Vangelo, shikaho nge Ikiye mangana ayande. Vangelo kaveshi kwitaviza. Yesu apwile Mbalaka ize Kalunga atwaminenga.

527 Eyi Mbimbiliya ngwayo, mu kapetulu 7 wa Vilinga vya Vapositolo, ize, “Jimbalaka, na kwocha-. . . milambu na mawana akwocha Ove kawazangileko, oloze mujimba Ove ukiko unanguwahishila Yami. Oloze ou Wakulitulaho Helu katwama mujimbalaka jakutunga na mavokoko, oloze mujimba ukiko Ove unanguwahishila Yami,” chize kupwa mumbalaka mokomoko kutwama mukulikata na mathu.

528 Kalunga netavila, haze vene etu tuli kuhichila muli ou kapetulu hano, mokomoko kuhichila mu Mukanda, etu twatondo kukinduluka na kumbata Mukanda wa Lute na kusolwesa muze nge Kalunga yejile nakupwa vausoko kuli etu, kuwanyisa vakujimbala cheka kuli Lyavene ha kulikata na kwiza nakupwa umwe nayetu. Uze Mukakusokola atela kupwa kausoko, kaha jila kaha Kalunga nahase kwiza nakupwa kausoko kuli etu, kwiza nakupwa umwe wetu. Shikaho, Ikiye kahashile kwiza nakupwa Kangelo kaha kupwa wamusoko kuli muthu.

529 Chingoloshi chinahichi omwo Ngwapwanga nakuhanjika nauze mwana walunga wakuwokoka muchima, mukakulikafwa hamwe, wa mama uze afwa lyehi, ambile ngwenyi, “Mamalelo, Ndumbu walunga Bill, Ngwashinganyeka ikiye apwa Kangelo ufukuuno.”

530 Ngwambile ngwami, “Nduma, Earl. Ikiye keshi kapwa Kangelo ko. Ikiye apwa pwevo, ufuku uno, nge omu Kalunga amutengele, kaha lwola lwosena, kanda lyehi apwenga Kangelo.” Kalunga atengele Vangelo. Ikiye kanda lyehi azachise vathu kupwa Vangelo. Ikiye atungile Vangelo na vathu. Shikaho malunga kaveshi kahasa kupwa Vangelo, kaha Vangelo kaveshi kupwa vathu ko. Kalunga avalingishile kupwa wakuhandunuka.

531 Jino, kaha muli Mukakulishitu kwiza mumusonyi kusokola kuweluka luze lwalunene kusali kuze muthu kuholoka, kaha chize kupola cha shili chakwiza hamavu, Kalunga kwiza nakushikumuka hamavu nakumbata muchifwanyisa cha chivwuvwu cha muthu, kaha kwiza kuli vausoko kuli etu, chize Ikiye nahase kumbata jishili jetu na kufwa chetu.

532 Kaha muli umwe kusolola etu twapwile nakuhana, mukutangisa vinahichi, kupwa kaha muchikuku chachindende shikaho wamuhya nahase kwivwushisa. Kalunga, mujila Yenyi yakuya ku Kavali, nge mumunyi wa kufwa chapwile hali Ikiye, kaha vamuvetele muli Ikiye, kaha makumishilo kwingisa muli Ikiye palanga Ikiye afwile. Ikiye afwile palanga musana kwecha kumunyika. Ikiye afwile palanga kakweji na vatanganyika kavahanyine kumunyika chavo.

533 Mwomwo, omu Ikiye alingile chize, kuchizumuna mumunyi wa kufwa! Kachi Ikiye apwilenga muthu wakuzeneka kufwa, kachi Ikiye apwilenga mu mujimba wa Mushipilitu, mokomoko napunga mu Shipilitu, kufwa kacheshi nakutetekela chizeko. Lyejile nakupwa musonyi, nge Ikiye mwahasa kumbata mumunyi wa kufwa. Oloze omwo puka mokomoko katutu uze eji kutuvanga, kupwa kumumunyi, ikiye kutuva cheka. Ikiye mwaseza mumunyi wenyi mumujimba. Kaha omu mukiko Kulishitu kupwa-...mokokomoko Kalunga ejile. Kulishitu atwaminenga mumujimba, nge Ikiye nahase chikungo muli Nyama Yenyi Lyavene mumunyi wa kufwa. Kaha omwo

kufwa chafumine kufuma muli Ikiye haze hakulusu, chasalile mumumunyi, kaweshi kuhasa kutuva mukakufwelela chekako. Chinahase kuneha vyema, chinahase kuneha zungo na woma, oloze keshi kutuavako. Kacheshi na mumumunyiko.

⁵³⁴ Uze Mukakujila Paulu, ha kukufwa chenye kutambuka, atambakanyine na kuhanjika, “Ove kufwa, mumunyi wove ulihi? Kaha chimbumbwe, kuhasa chove chili kulihi? Oloze kusakwilila kuli Kalunga Ou natuhane etu kuhasa kuhichila muli Mwata wetu Yesu Kulishitu, mwomwo vyose vivali kufwa na chimbumbwe chajimbalisa ngolo jacho.”

⁵³⁵ Jino, kahajino, Chalumingo chinahichi etu twambachile, “Kuseza jishimbi ja kunangula cha Kulishitu,” mu kapetulu 6, etu twatange echi, “echa tuyenu ku kukupuka.” Kaha etu tunawane ngana nge vathu lelo mumauka amavulu, hamwe na Mbalaka ya Branham na vamwe vakuhandunuka, etu kukundamina chikuma ha kutanga ha jishimbi ja Kulishitu: Ikiye apwilenga Mwana Apalahama, Ikiye apwilenga Mwana—wa *Munganji mukananga*, kaha kunyima, ya visemunwino. Oloze eyi Mbimbiliya ngwayo, “Echa tuhake kusali ya vyuma kana, kaha kuya mu kukupuka.”

⁵³⁶ Chatete enu mwatela kutachikiza kunangula, kaha jino enu mwatela kutachikiza vyuma vyosena; jino echa kutulike kusali, ikiye ambile ngwenyi, wa kusanguka cha vafu, kuhaka mavoko, malujimiko, kaha vosena vaze vafwile hali Kalunga. Ohonyi, vakiko—vakiko kavapwile na Kuyoya muli vakiko. Oloze eli liuka lelo lili nakuya kuli vize vyuma, “Mamalelo, etu twafwelela mu Ukalunga wa Kulishitu.” Eyo. Punduvene. “Etu twafwelela mulujimiko lwa meya.” Eyo. Punduvene. “Kunangika mavoko avoko.”

⁵³⁷ Paulu ngwenyi, “Etu natuya nakulinga vyosena kachi Kalunga netava. Oloze mumeso avyosena evi, echa tuhake kusali jino, kaha kuya lika ku kukupuka.”

⁵³⁸ Jino, liuka kalyeshi kuhasa kupwa wakukupuka kuhichila mumazavuko. Echi nachitwalilaho kufuma kuli Kalunga, lwola lwosena, mokomoko kuya hahasuku na umwe na mukwavo. Etu kukoka mingowa, etu kulihandununa etu vavene hakuhona Lufwelelo. Oloze jino omwo etu natuseza jize jishimbi ja kunangula, kachi etu natutambuka nakwingila mukukupuka, jino vize vyuma vyavindende kwiza nakuhona kupwa mukuzata chikuma.

⁵³⁹ Etu kuya nakwingila muusoko, kaha etu kuwana nge jila kaha etu tunahase kupwa vakukupuka shina kupwa muli Kulishitu. Kaha etu tunawane jino, ha kunangula cha Mbimbiliya, omu etu natuya nakwingila muli Kulishitu; keshi ha lujimiko lwa meyako, keshi hakunangika chamavokoko, keshi ha kunangulako. “Oloze ha Shipilitu yimwe etu vosena vanatujimika mu Mujimba umwe kaha kwiza

nakupwa wakukupuka kuhichila mu kuyanda Chenyi.” Kahajino, etu natutala mwakulimanyina. Etu twashinganyeka mwakuhandunuka. Etu tweji kulinga mwakuhandunuka. Etu natuyoya mwakuhandunuka. Keshi mwomwo unapu mulimo mokomoko etu twapandama kuliuka, oloze mwomwo ya “zangi ize Kalunga ahaka hamichima yetu hali Shipilitu Wajila,” echi chinalingisa etu vakwetu venyembo va Wangana wa Kalunga, kahajino kakweshi chikungulwilo mokomoko jijila jakwingila muli chize chakuhonesa. Etu twapwa Mujimba umwe waunene.

⁵⁴⁰ Jino etu tuli vakulizanga kwingila muchimene ha kunangula, mukatando kakandende. Chuma chimwe chikwavo Ngunatondo kupwa hano, echi chili, nge, Paulu kuhanjika mu Mukanda, wa kapetulu 7, mokomoko, kapetulu 6, etu tunawane hano nge etu vanatutungu mu Kulishitu. Kahajino mu vasi 13 ya kapetulu 6, hahandende kaha hakuputukilaho.

Mwomwo Kalunga omu amushikile Apalahama, mwomwo kapwile na weka wakumuhambakana Ivene alishingeko, shikaho alishingele Ivene,

Kalunga alishingile hali Lyavene, mwomwo Ikiye kahashile kulishinga hali kala muthu wamuneneko.

⁵⁴¹ Jino etu twatondo kukinduluka. Echa tuyenu ku Ngalesha tando yayindende. Fukununenu mu Mukanda wa Ngalesha, kaha mbata Ngalasha 3:16. Kaha etu natuya nakutanga hano chindende kaha, omwo Ikiye alishingile.

Kaha jino jishiko vamuvulukilile Apalahama natanga yenyi, Keshi kwamba ngwenyi, Nakujitanga, nge kwuluka jajivuluko; oloze nge kuyimwe, . . . kaha ngwenyi kutanga yove, you vene Kulishitu.

⁵⁴² Jino kachi enu namuya nakutalisa, kutanga kanawa jino, shimbu enu namutanga.

. . . kuli Apalahama na mbuto yenyi (umwe) apwile jishiko (keshi jajivulu) alingile.

⁵⁴³ “Apalahama na Mbuto yenyi.” Jino, ize Mbuto ya Apalahama yapwilenga yimwe, uze apwilenga Kulishitu; chifwanyisa cha, Yisaka.

Oloze Apalahama apwile na vana vavavulu. Ikiye apwile na umwe shimbu kanda ikiye apwenga na Yisaka, uze apwilenga nakusolwesa kusenena cha kuzeneka kufwelela cha Sala uze atondele Hannah nakuneha mwana, kushinganyeka nge ikiye apwilenga wakukula chikuma, kaha Kalunga kuhita na kulinga chuma chikwavo mujila kufuma mujila ize Ikiye nashiki mwakulinga.

⁵⁴⁴ Oloze Kalunga alama lushiko Lwenyi. Chipwethuhu kala kukakasana nachisoloka, Kalunga ali wakukashiwa ku lushiko Lwenyi. Kaha Sala kushinganyeka nge pamo ikiye nahase kupwa na Hannah, mokomoko, Hagar, chipwethuhu, ngamba

yenyi, kuhana kusemuka kuli kemba kuhichila muli Apalahama, kaha ikiye mwaya nakumbata chize. Kaha ejile nakwiza nakupwa Ishmael, uze apwile mungonga mu mujimba, kufuma jino palanga jino. Hanga mungonga mumujimba, kuya nakwiza ku Arabs, kaha vakiko lwolalwosena kupwa muze mujila.

⁵⁴⁵ Jino, kala lwola enu namufwelela Lizu kupwa uselesele Lizu Iya Kalunga na kwitavila jila ikwavo, nachiya nakupwa mungonga mumujimba kufuma kuze nakutwalilaho. Ove kumbata kaha chumamuka Kalunga ahanjikile. Kachi Ikiye ambile ngwenyi Echi, mukiko kaha Ikiye natwale. Mamalelo, kukisula chipwenga ku Lijina Lyenyi! Mbatenu Lizu Lyenyi.

⁵⁴⁶ Chipwethuhu chumamuka mweseka kutumbuka, kuhanjika, “Chamwaza, Kachalumbunukile vene nge Chizeko.” Echi chalumbunukila nge Echi kuhanjika, omwo Kalunga mwashika lushiko.

⁵⁴⁷ Jino kachi etu natuya nakutalisa kanawa kanawa.

. . . Apalahama na mbuto yenyi yapwilenga jishiko . . .

Umwe apwile Mbuto, umwe, kaha jihiko jikwavo. Kuli jishiko jakuhambakana yimwe, kaha kuhambakana muthu umwe vase vanengila mu Mbuto ya Apalahama. Talenu? Kuli Mbuto imwe, oloze vathu vavavulu muli eyi Mbuto. Talenu? Vakiko kavapwile kaha Apalahama kahako, mokomoko kuli Isaka ukawenyi. Oloze va. . . Echi chapwile kuli vosena Mbuto ya Apalahama. Jize jishiko japwile kuli umwe wosena na kala mbuto yahakapaji ya ize Mbuto. Ove unachimbate echi?

⁵⁴⁸ Shikangaho, etu, hakupwa vakufwa muli Kulishitu, kutesekesa na Visoneka, etu tweji kumbatanga Mbuto ya Apalahama kaha vavaswana kutesekesa na lushiko. Keshi ha kulinunga na liuka ko, mokomoko kutunga havihande vya kufwa, mokomoko—mokokoko vya ngocho. Oloze ha kusemuka cha Shipilitu ya Kulishitu, etu twapwa Mbuto ya Apalahama, kaha vanatuswana hamwe na Ikiye mu Wangana.

⁵⁴⁹ Jino etu kuya, nakutanga, jino, kupwa wamundende kulutwe jino, “Kalunga kulishinga.” Jino vasi 17 ya kapetulu 6.

Omwo Kalunga, wakulizanga chikuma . . .

. . . Kalunga, hokusaka kualweza kanawa vakakuswana mwayile kushika chenyi omu yazeneka punga yenyi kwalumuka, shikaho ahakile na kulishinga:

⁵⁵⁰ Mamalelo, echa kaha jino minyutu yayindende. “Kalunga netava.” Keshi nge Ikiye atela kulinga, oloze kulingisa echi kupwa chikumishilo.

⁵⁵¹ Jino, etu tunawane nge Kalunga ejile nakupwa musonyi, kutwama mukachi ketu, omu Ikiye asolokele lyavene kutwala mukaye. Omwo Ikiye awanyine uze pwevo kupwa ujila, ngwenyi, “Kangwa—Kangwapaisa oveko. Yako, shili cheka

chauchi.” Omwo Ikiye awanyine uze pwevo kupwa mukakuviza, Ikiye kuzata kaha mujila Ikiye atela kuzata, mwomwo Ikiye apwile Kalunga, kaha Ikiye—Ikiye ahindwile vakakuviza. Ikiye asangukile. Ikiye eji kukonekela jishili. Chipwethuhu vakiko vapwile ngachilihi, kaha vangahi, kaha vanalimbuka, Ikiye mwavakonekela vakiko, mwosena omwo, kachi vakiko vali vakulizanga kwiza na kuhula.

⁵⁵² Jino talisenu. Kachi Klaunga azachile umwe kala lwola ha chumachimwe, kaha kachi uze umwe maukalu amwe kukatuka cheka, Ikiye atela kulinga mulwola lwamuchivali nge Ikiye alingile lwola lwatete mokomoko Ikiye kupwa wakuzeneka kwoloka. Talenu? Chipwethuhu nachipwa chachipi kupwa mushili, omu emanyine nakwiza nakupwa, Ikiye atela kuchilinga kuli ove nge Ikiye alingile hali uze pwevo wakuholoka mokomoko Ikiye alingile mwakuhenga jino. Kalunga kuyoya nge Muthu Wenyi, kaha chuma Ikiye kupwa mukuyoya Chenyi kusolola Muthu Wenyi.

⁵⁵³ Kaha ize ikiko jila ove mulimo, muchiyoyelo cha kuyoya chove, kusolola chumamuka ove wapwa. Nge omu twapwanga na kuya nakuhita, kulinangula mokomoko vavali hanyima, vathu vamu Mesondisiti vatondele kujimbula, “Omwo enu namutambakana, enu mukwechi Echi.” Va Pendekosita ngwavo, “Omwo enu namuhanjika mumalimi, enu mukwechi Echi.” Uze Shaker ambile ngwenyi, “Nge naulinyikisa, kaha ove Uchikwechi,” uze Pennsylvania Shakers. Kaha etu kuwana nge vakiko vosena vapwile vakuhenga. Kuyoya chavo kuchisolola Echi. Uthu wove weji kusolola wapwa uhiya. Muthu vanamutachikiza kuhichila mumilimo yenyi, kaha kala chiyoyelo chove chili.

⁵⁵⁴ Enu mwevwa lyehi mujimbu wamwaka, “Chiyoyelo chove chili nakwivwakana helu, Kangweshi kwivwa mazu enuko.” Shikaho kala chuma ove wapwa, ove uli. Chize chiyoyelo chize ove nausolola muyachi wa shipilitu uli muli ove.

⁵⁵⁵ Kaha jino ove unahase kulifwanyisa chakuhenga, mokomoko, kufwanyisa echi kupwa chakwoloka, echa Nguhanjike. Enu munahase kulifwanyisa kupwa Mukakulishitu. Oloze kuli nakuya, chindende kaha chindende, kwiza mulwola omwo uswana kutwalilaho, jino nachiya nakusolola chuma ove wapwa. Lilenge lyazamina haze lyahehela.

⁵⁵⁶ Omwo Kulishitu Mwana Kalunga vamwesekele, chasolokele chumamuka Ikiye apwilenga. Punduvane. Omwo enu navamika mukumweseka, nachinjikiza chumamuka ove wapwa. Chiyoyelo chove lwolalwosena kusolola chumauka chili mukachi muli ove. Chindende chindende, kupwa wakukunyuka ha jishili jove kuhona kukuwana ove. Kaha muze mukiko etu twatela kweseka kuhanjika.

557 Yesu ngwenyi, muli Mukakujila Yowano 5:24, “Wosena mwevwa,” keshi nge ikiye mwambululako, ikiye uze eji kuhanjikanga, wosena uze. . . “Wosena mwevwa Lizu Lyami, na kufwelela uze Angukutumine Yami, ali na Kuyoya cha Hayamyaka, kaha keshi kukeza kukamusopesako; oloze nahichi lyehi mukufwa na kwingila mu Kuyoya.”

558 Lunapu lufwelelo lwove. Kaha lufwelelo lwove, kwitavila na mivumbo yove, kusolola kuli vathu nge vanahase kwivwa, oloze chiyoyelo chove chili chakusokoloka kumeso avosena. Shikaho, chipwethuhu ove weseke ngachilihi kulinga *echi* na kulinga *echi*, kacheshi kuzachiwako. Echi chatela kupwa muli enu. Ou ukiko mujimbu wosena uvene wa kernel. Lufwelelo lwove lwa mu kusanguka cha Kulishitu, nge Mulwilo wove; nge Ikiye ali kulivoko lya Kalunga, kuzata muchihela chove chimene chino, nge ove uli nakulinga mu chihela Chenyi hano nge chinjiho. Chinjiho atela kulinga kachi nge mthuumwe, kwimana kupwa nge chinjiho. Kaha kupwa nge kuyoya chove kusoloka hano muunjiho wove uli muli Kulishitu, uli nakusolola haze kaha kusoloka hano. Kaha Ikiye ali haze, nge omu Ikiye ali hali enu, kusolola vyosena vivali na hano. Shikaho ove uli. . . Ha lufwelelo lwove, ove vakulwila, kaha uze ukawenyi. Shikaho, kwivwa cha mumujimba, kutambuka, kwivwa chimwe, kakweshi numba chihela muchikiko Chize. Jino, keshi. . .

559 Jino, kanda kushinganyeka mwakuhenga, chize Kangweshi nakufwelelako muli chize kwivwa. Punduvene. Oloze chumauka etu tuli jino, kweseka kutaka muli ava vathu vamulikumbi lino, kacheshi kwivwa chamujimbako. Liyavolo ambata vyuma kana na kuya mukuzaluka na vathu, kuvechela kushikumuka kumakumishilo a Hayamyaka hali echi kwivwa chamujimba. Kutambakana, kuhanjika na malimi, kuya kuliuka chalumingo ha Chalumingo, kulinga nge Mukakulishitu, chize kacheshi kupwa naumwe kumbata lize likumbi. “Kuvangila muthu mwapwa wakusemuka chachihya.” Kaha kuyoya chove kusolola chumamuka ove ulinacho mukachi, talenu keshi kwivwa cha mujimbako.

560 Enu munahase kupwa na manyinga mumavoko enu, munahase kuhanjika na malimi, enu munahase kuhindula vakakuviza, enu munahase kutambuka jipili na lufwelelo lwenu, kaha enu kamweshi chumako. Kolinde Watete 13. Talenu? Echi chatela kupwa chumachimwe chasolokele ha Kusemuka chize nachiza nakufuma kuli Kalunga, kaha Kalunga kuneha Kusemuka chachihya muli enu, na kumihana enu chihanda cha Lyavene. Kahajino vize vyuma kana vili. Ove uli tengeso yayihya. “Ngunavahane kuli vakiko vaka Hayamyaka.”

561 Etu twayile kuhichila mu lizu “Hayamyaka.” *Hayamyaka* na myaka lunapu “tando ya lwa lwola.” *Hayaye* chinapu hayamyaka na myaka, hayamyaka na myaka na hayamyaka na myaka, oloze kulikaha Hayaye yimwe. Kaha etu tunawane

nge ove nautambula Kuyoya cha Hayamyaka, kaha lizu mu Ngiliki chinapu Zoe, kulumbununa “Kuyoya cha Kalunga.” Kaha enu namutambula chihanda cha Kuyoya cha Kalunga, echi nachikulingisa ove kupwa mwana wa shipilitu ya Kalunga, kaha enu muli na kwilila nge Kalunga apwa kwilila. Enu kamweshi na makumishilo, kakweshi chihela chakuhasa kwimana, mwomwo enu kamweshi na chihela kukuputuka. Kala chuma chikwechi maputukilo chatwama na makumishilo, kaha chize chakuzeneka maputukilo chikwechi makumishilo.

⁵⁶² Omwo etu twazanga eli Lizu lya mwaza! Omu vatela kupwa Vakakulishitu kupwa vakuzama mu Lufwelelo luze vahanyine kamwe kaha kuli vakujila, kaha keshi vakumbila noku noku, kufuma kuchihela na kuchihela, kaha kulinunga mauka akuhandunuka. Kala liuka ove unatondo kupandama kupwa chakwoloka, nge unapu kaha Mukakulishitu. Oloze chatete kuhaka chuma chatete, echi chinapu Kusemuka chize chakulingisa ove kupwa vausoko kuli Kalunga, nge Kalunga ejile nakupwa wamusoko na enu.

⁵⁶³ Ikiye ejile nakupwa kausoko, nge Ikiye nahase kukukulisa. Shimbu kanda Ikiye kukusangula ove, Ikiye nakuhane ove Kuyoya cha Hayamyaka. Kahajino Kalunga ejile nakupwa kausoko, kumbata kufwa, kumikulisa. Jino enu kupwa nakwiza nakupwa kausoko kuli Ikiye, mangana kuya mukusanguka. Ove wamono chumamuka cili? Echi chinapu chakwalumuka. Kalunga kwiza kuli enu, nge enu mwatela kwiza nakupwa Kalunga. Talenu? Kalunga ejile nakupwa chihanda cha ove, musonyi, mangana enu muhase kupwa ha likoji Lyenyi kupwa chihanda cha Ikiye, mukiko kaha, kupwa na Kuyoya cha Hayamyaka.

⁵⁶⁴ Kupwa kaha chifwanyisa chamwaza, kaha, mamalelo, etu twazanga echi.

Jino, Kalunga, wakulizanga chikuma . . .

⁵⁶⁵ Kapwile na, oloze Ikiye apwile nakufwila kulinga. Ngunawahilila hali chize, enu kamwawahilileko, nge Kalunga ketu ali wakufwila? Tala. Nachipwa ngachilihi kachi Ikiye—chumamuka kachi Ikiye keshi kuvandamina ko? Nyi mihako ya Shipilitu ika? Zangi, kuwahilila, lufwelelo, kuunda, kuvandamina chikoki. Chize chinapu chihanda cha Kalunga chili muli ove. Kaha kulimbachisa, kulimbachisa viteli vya umwe namukwavo. Kukonekela umwe namukwavo, nge Kalunga mwomwo ya Kulishitu akukonekelele. Eyi Shipilitu ya Kalunga muli enu kumilingisa enu kupwa mujila kana. Kaha jino omwo Kalunga apwile hano hamavu kaha ejile nakupwa, kwiza nakupwa mukashili, nge Ikiye kumbata shili jove, kukutetela na kufweta fweto yove. Kalunga apwa mukakutalilila chikoki, kulimbachisa viteli vyetu.

566 Kaha jino Ikiye apwa Kalunga wamwaza. Kachi ove unatondo, vyuma vimwe mujila yove, munatachikiza, Kalunga apwa wamwaza wakutela kulinga chize. Ikiye azanga ku—kukuwahilila. Ikiye atondele ku . . . Ikiye—Ikiye napu zangi, kaha unene Wenyi kuzanga kumulingisa Ikiye kusuluka hamavu lwolalumwe, echa ove kupwa na vyuma ngeove watondo.

567 Tala ha Thomas, hanyima ya kusanguka. Thomas keshi kuhasa kufwelela ko. Mamalelo, ikiye akwechi vana vavavulu lelo. Oloze Thomas ngwenyi, “Nduma. Nduma. Kangweshi kupwa na chinjikizo chimwe. Nanguya nakuhaka mavoko ami kusali Yenyi, kaha muli Ikiye. . . minwe yami hano mumavoko Eyi, shimbu kanda Nguyenga nakufwelela Echi. Kangwa, Kangwazakama chumamuka ove muya nakuhanjika.” Talenu, ikiye apwile wakufuma mu Chisoneka muchiyulo, hano vene. Ove watelanga kufwelela Echi. Shikaho ikiye ngwenyi, “Ngwatela kupwa na chinjikizo chimwe, kwinjikiza Echi.”

568 Kaha Yesu alisolwele, Ikiye ali wamwaza, “Twaya kuno, Thomas, kachi echi chikiko ove unatondo, chamwaza, hano ove uli. Ove unahase kupwa nechii.”

569 Omu mukiko etu tuli. Etu natuhanjika, “Mwata, Ngwatela kuhanjika na malimi. Ngwa—Ngwatela kutambakana. Ngukwechi. . .”

570 “Mamalelo, yako kulutwe, Nanguya nakukwecha ove kupwa nacho.” Ikiye apwa wamwaza.

571 Shikaho ikiye ahakile mavoko enyi kusali Yenyi, jino ikiye ngwenyi, “Mamalelo, ou ikiye Mwata wami na Kalunga kami.”

572 Ikiye ambile ngwenyi, “Jino, Thomas, ove wafwelela kufuma haze ove unamono. Oloze omu chatohwa fweto yavo uze azeneka chinjikizo kaha kufwelela Echi!” Yenu haze. Aha hakiko etu twatela kupwa. “Omu fweto yavo yatohwa vase vazeneka kumona chuma oloze Vachifwelela.” Echi chinapu kuzata cha lufwelelo, mangana etu kwitavila Echi.

573 Jino, Ngwafwelela vinjikizo kukavangiza vakakufwelela, oloze echa tuhake vyuma chatete. Enu munahase kupwa na vinjikizo, chakuzeneka Echi. Paulu ngwenyi enu munahase. Ikiye ambile ngwenyi, “Ngunahase kuhanjika malimi avathu na Vangelo; Yami kangweshi chumako. Ngunahase kutambakana mujipili na lufwelelo lwami; Kangweshi chumako. Ngunahase kwivwushisa eyi Mbimbiliya, mujila kana Ngunahase kutachikiza mangana akuswamana a Kalunga; Kangweshi chumako.” Talenu, aze anapu mawana a Shipilitu Wajila, chakuzeneka Shipilitu Wajila.

574 Ou Shipilitu Wajila ikiye Kalunga. Kalunga apwa zangi, kuwahilila, kuunda, kuvandamina chikoki, kuvova, kalemesa, kukakachila. Ize ikiko Shipilitu ya Kalunga. Muze mukiko Kalunga eji kukanga mumakumbi akumakumishilo, kuhichila muli eyi Shipilitu.

575 Jino, “Kaveshi vakulizanga . . .”

. . . *Kalunga*, hokusaka *kuvalweza* kanawa *chikuma vaze vakakuswana mwayile chize kushika chenyi* . . .

. . . *Kalunga*, hokusaka . . . *kuvalweza* kanawa . . . *vakakuswana* . . .

Veya vaze vaswana? “Etu, hapupwa vakufwa muli Kulishitu, kumbata Mbuto ya Apalahama, kaha kupwa swana.” Mamalelo, echi chinamingila? Etu twapwa vaswana va Wangana wa Kalunga, kuhichila mulushiko lwakulishinga. Kalunga katondele kulishingako. Lizu Lyenyi lyapwa lya kukupuka. Oloze Ikiye alishingile, nawa, hali Lyavene, mwomwo kakwapwile umwe wamunene.

576 Shimbu natutanga, mukatando kakandende, ivwulila.

. . . luze *omu yazeneka punga yenyi kwalumuka, shikaho ahakile kulishinga*:

577 “Kuzeneka kwalumuka,” wakuzeneka kwalumuna. Kalunga keshi kwalumukako. Ikiye atela kusala lika mwomumwe. Kaha kachi Kalunga ahindwilenga muthu umwe mukakuviza, Ikiye keshi kuhasa kwalumuna vishinganyeka Vyenyi. Kalunga kukonekela mukashili umwe, lihule umwe, Ikiye keshi kuhasa kwalumukako kuvilinga Vyenyi. Uze kalumukako, Lizu lya Kalunga mukakuzeneka kwalumuka. Kalunga ambile ngwenyi, muchihela chimwe, “Yami Yehova Ou mukakuka misongo yenu yosena.” Ikiye atela kutwama na Nalyo, mwomwo Ikiye apwa wakuzeneka maputukilo na makumishilo. Ikiye atachikijile kumakumishilo kufuma kumaputukilo.

578 Jino, Ngunahase kuhanjika, “Nanguya nakulinga *echi*.” Kaha eyi Mbimbiliya ngwayo, etu twatela kuhanjika, “Kachi Mwata netava.” Mwomwo, Yami ngu muthu. Kangwatachikizako. Lwola lumwe Ngwatela kumbata lizu lyami nakuhaka kunyima, oloze Kalunga keshi kuhasa kumbata Lyenyi kuhaka kunyima ko. Ikiye apwa Kalunga.

579 Kaha Ikiye atondele chuma chimwe, “Kachi ove mufwelela.” Mamaah, yami! “Kachi ove nauhasa kufwelela, vyuma vyosena vinashiwa.” “Kachi ove mufwelela,” mukiko kaha. “Ove, kachi ove nauhasa,” kuli chihula. Oloze keshi chihula chili ha Lizu lya Kalunga ko, mwomwo, Venyi wakulikangula kuhona, Ikiye keshi kuhasa kwalumukako. Kuwaha muka!

580 Jino ivwililenu, shimbu natutanga.

Mangana havyuma vivali vinahono kwalumuka, mukiko nahono ou Kalunga kwonga, . . .

Chachikalu! Kupwa chahchikalu kaha chakuzeneka kwalumuka mukuzata mulizu lyolimwe; keshi kwalumukako, keshi kutambukako. Lyeji kupwanga mwomumwe hayamyaka namyaka. Kalyeshi kwalumukako kaha chapwa chachikalu.

Kaha vivali, *ha vyuma vivali vinahono kwalumuka, mukiko Kalunga nahonena kwonga, . . .*

“Etu tukwechi vyuma vivali?” Eyo. Chatete, Lizu Lyenyi ngwalyo Ikiye mwaya nakuchilinga. Chamuchivali chapwile kulishinga Chenyi lushingo hali chize, Ikiye mwaya nakulinga. Mamaah, yami!

⁵⁸¹ Muyachi uka wavathu etu twatela kupwa? Mwomwoika etu vatela kutushijika noku noku nakulinga mwosena omwo, kaha kumbata vyuma vyakaye na kulinga nge Ukulishitu wakulihosa wamu muze 1957? Etu twatondo kupwa chifwanyisa chamwaka chize nachiya nakumbata Kalunga ha Lizu Lyenyi, kaha kuvuluka vize vyuma vize kavyapwilengako, chipwe vakiko vapwile. “Kachi Kalunga ahanjikile ngocho, Mukiko kaha.”

⁵⁸² Apalahama, uze lushiko vamuhanyine, kuli ikiye na Mbuto yenyi, ikiye asanyikile vyuma vize kavyapwilenga ko, nge omu vapwilenga. Mwomwo, Lwapwile lushiko lwa Kalunga, kutachikiza nge Kalunga kahashile kwongako. Ikiye ashikile ikiye chize, kaha ikiye afwelelele Chize. Kaha nge myaka yinahichi, kaha lushiko kusoloka kupwa kwakusuku, kuliso lya chisemwa, Echi kwiza nakupandama kuli Apalahama.

⁵⁸³ Kachi vapwenga vakuzeya, nakuhanjika, “Chamwaza, pamo kakweshi chuma chakufwana nge kuka cha Ukalunga. Pamo Nguli kaha na . . . Pamo kakweshi chuma changochoko. Pamo Nguli wakuhenga mumijimba wami wosena.” Kahajino, echi chinasoloka chuma chimwe, nge enu kamweshi kupwa vakusemuka chachihya. “Mwomwo echi chili . . .”

⁵⁸⁴ Etu tukwechi kuhichila mu Chalumingo chamakumishilo, hanyima chindende mu kapetulu. “Mwomwo chinapu chachikalulu kuli muthu uze amakilile kumawana a Mwilu na vyuma, kuholoka, kaha cheka kulitungulula lyavene kukupihilila nakwalumuka.” Punduvene, kupwa vene chachikalulu!

Mwomwo uze wakusemuka kuli Kalunga keshi kulinga na numba *kulinga shiliko; mwomwo ize mbuto ya Kalunga yatwama muli ikiye: kaha ikiye keshi kuhasa kulinga shiliko, . . .*

Ize Mbuto ya Kalunga yapwa Lizu lya Kalunga. “Lufwelelo nalwiza ha kwivwulila, kwivwulila eli Lizu, ‘Uze Mulambu vautungile. Echi chili chosena.’”

⁵⁸⁵ Jino, kachi ove mulinga chakuhenga, Kalunga mwaya nakukulingisa ove kufweta. Oloze kachi ove mulinga, ove uli wakuhenga, ove kaweshi kuhasa kulinga nge uli wakulizangako. kapetulu 10 vasi 47, Ngwafwelela, “Mwomwo kachi etu natuvulumuna chakulisakwila hanyima etu twatambula chinyingi cha Muchano.” Oloze hanyima ove unapu Wakusemuka, ove uli na Muchano; keshi chinyingi cha Echi ko, oloze enu munetavila Muchano kaha Echi chineza

nakupwa muchano. Kaha ove uli mwana Kalunga, ha lwola na Hayamyaka. Kalunga eji kulishinga nge Ikiye mwaya nakuchilinga.

586 Yesu ambile ngwenyi, “Wosena mwevwa Lizu Lyami, na kufwelela hali Ikiye uze angutumine Yami, ali na Kuyoya cha kwilila, kaha Nanguya nakumusangula mulikumbi lya makumishilo. Ikiye kejile ku Kusopesa ko. Ikiye nahichi nakufuma mukufwa nakwingila mu Kuyoya.” Jino na kalishinga nge ngana, “Kalunga netavila nge etu twatela kutambula Echi.”

587 Jino tala omwo ikiye mwahanjika hano, Paulu kuhanjika kuli—kuliuka.

. . . chili mukiko nahono Kalunga kwonga, etu twatela tutwamenga na uswa wangolo, . . .

Keshi, “Chamwaza, kachi va Mbaputishiti kaveshi kungumona kanawako, Nanguya kuli va Mesondisiti.” Talenu?

. . . etu twatela tutwamenga na uswa wangolo, etu tunachinyina lyehi kukuswama nakukukwato kulutalililo elu vanahake kumeso etu:

588 Jino mukutanga chamakumishilo.

Elu tuli nalwo nge chikungo chakwimikisa mwono, . . .

Elu lutalililo, kulishinga lushingo lwa Kalunga, etu tuli nalwo nge chikungo chakwimikisa mwono, chakukakama chakuzama mbe, chengila swi namutulo ya lihina eli lyakuvatasana;

589 Echa tuhanjike chindende hali “lize lihina.” Etu katwayileko cheka Chalumingo chamakumishilo ufuku unahichi.

590 “Mu lihina.” Lize lihina lili mumusonyi. Eli lihina kukinga etu kufuma kukumona Kalunga, meso na meso, kuhichila muli eli liuka. Lize lihina kukinga etu kufuma kumona Vangelo muvihela vyavo chimene chino, kwimana hamwe na vitwamo vyavo. Lize lihina lili nakukinga etu kufuma ku kumona Ikiye. Etu twasweka kunyima ya lihina, kaha lize lihina lili mumusonyi. Etu twapwa vana vamaalunga na vamaapevo va Kalunga, etu tuli Kumeso a Kalunga, “Vangelo ja Kalunga vajingilika vaze vamwivwa woma Ikiye.” Etu tuli Kumeso a Kalunga, lwola lwosena. “Kangweshi kumiseza, chipwe Ngukaye nakumihunga. Nangukaya nakupwa na enu lwola lwosena, palanga na kusongo.” Oloze lize lihina lili musonyi, echi chikiko cheji kutwalanga etu kufuma Kumeso Eyi. Oloze kuhichila mu mwono, eyi Shipilitu, ha lufwelelo lwetu etu tunatachikiza nge Ikiye ali nakutala. Ikiye emanyine na etu. Ikiye ali hano jino.

591 Kuze ku Dothan, chimene chimwe, uze kapolofweto wakashinakaji vamuvingulukile kuli maswalale kaha ngamba

yenyi alovokele kaha ambile ngwenyi, “Mamalelo tata, lifuchi lyosena vanalijingilika na vakakole.”

⁵⁹² Kaha Elija akatukile, kaha ngwenyi, “Mwomwoika, mwana, kuli etu kuhambakana kuli vakiko.”

⁵⁹³ Chamwaza, ikiye ahanyine meso eyi na kutala nakujinguluka. Ikiye kamwene chuma na chimweko.

⁵⁹⁴ Ikiye ambile ngwenyi, “Kalunga, Ngunasake kachi nge Ove uyenga nakusokoloka meso eyi, nakufumisaho lize lihina.” Kaha omwo lize lihina lyakufuma kumeso enyi, kujinguluka uze kapolofweto wamwaka apwilenga matemba a kakahya, jipili yapwilenga ha Kakahya na Vangelo na matemba. Ove uze.

⁵⁹⁵ Mamalelo, jino Ngehaze kuhanjika, “Ngwa—Ngunevushisa jino.” Talenu, lize lihina lyaholokele. Kuze kuli chuma chakuhonesa.

⁵⁹⁶ Hano hakiko chili. Chikwachilile chikuma. Lize lihina lyapwile nakukinga etu kufuma mujila yakuyoya etu twatela kupwa. Lihina likiko lyeji kusinganga etu kufuma kulinga vyuma vize etu vene twatonda kulinga. Kaha Kalunga kwiza nakulifwika mumusonyi, kaha lize lihina kupulika muvali. Kaha Kalunga ejile nakupwa Kalunga cheka, kaha Ikiye akatwile lihina lize Ikiye aliswekelemo Lyavene nakwingila. Chize chikiko kusanguka cha Mwata Yesu. Kwinjikiza kuli etu echi, muli eli lihina eli etu tuli jino nachisweke, ha lufwelelo etu twafwelela Echi na kwitavila Echi. Kaha omwo *eli* lihina lyakutangisa mu vavali, Nanguya Kumeso Eyi na kukunyuka, kutachikiza nge, “Ngunatachikiza Ikiye mujingolo Jenyi ja kusanguka.” Ha Kwiza cha Mwata Yesu, eli lihina naliya nakupwa nakusanguka cheka, mujila mukukupuka, palanga nomu Nanguya nakutambuka na kuhanjika na Ikiye nge Mulwilo wami na Kalunga, omwo Ikiye mwambata litanda lya Ndavichi. Kaha etu natuya nakuyoya hayamyaka muli eli lihina hanyima ya kukupuka, oloze eli lihina lili na shili muli echi. Kacheshi na chumako. . . Kanda kashinganyeka vya mujimba waupahu hano hamavuko. Echi chatela kufwa, chochimwe nge mwono wove watela kufwa, kusemuka chachihya.

⁵⁹⁷ Mu kukupuka, keshi kulya nyama, na kulinga *echi*, na kuneha mujimba wakukupuka, enu kamweshi kupwa najoko. Kaha enu mwatela kwecha *echi*, na kulinga *echi*, kaha kulinga *echi*, kaha kulinga *echi*, echi chinapu lushimbi. Echi chinapu kwitavisa. Etu katwafwelela mukuzangiwa cha ulwilo. Etu twafwelela Echi ha likozi etu vanatulwili. Kaha kaweshi ove ko. Ove kaweshi nachuma chakulinga nachechiko. Echi chinapu kusakula cha Kalunga echi chinalingika echi. “Naumwe muthu mweza kuli Yami kuvangila Tata Yami namukoko ikiye.” Echi chakwoloka. Kaha Ikiye. . . Vyosena Yesu ejile nakulinga shina kutambula vaze Ise atachikijile lyehi; kaha kuvatongola vakiko shimbu kanda chikuku cha kaye kupwa vana vamaunga na

vamapwevo va Kalunga. Amena. “Kacheshi cha ou mwalaha, chipwe chauze mwasaka, oloze Kalunga mukakusolola keke.” Kalunga ikiye mukachilinga. Ove unahase kukoka, kaha. Kakweshi chuma chimwe ove mulingako. Kalunga, ha likoji, akulwilile ove; keshi ngochoko, ove lyavene. Kachi ove mulinga, ove ukwechi chumachimwe cha kukokako. Oloze enu kamweshi nachuma chimweko kukoka. Vyosena vya kwalisa kuya kuli Ikiye. Napu Ikiye. Kahajino Ikiye akuhana ove lutalililo lwa kutalila, “Kulishinga na lushingo, chize kukaluhwa hali vana Venyi kupwa vakujimbala.”

⁵⁹⁸ Jino, vakiko kuveta kulinga chakuhenga. Enu namwaha kalachuma namutumba. Enu mbatenu echi. Kanda kushinganyeka jino enu namuya nakulovoka na shili, kuya na echi. Kachi enu namulinga, kaha kupwa navilinga, kusolola enu muli vakupwa vakusemuka cheka. Enu kulinga chize? Kachi enu namupwa na kufwila muli enu, kulinga chakuhenga, kahajino enu muli vakuhenga. Talenu? “Mwomwo Ikiye akupuka, haya myaka, vase. . . Kaha vase tunyama mwishi ya Kushika Chamwaka, mwishi ya makumbi akwitavila, kuhana hamwaka hamwaka, kutwalilaho, keshi kuhasa kufumisa shili jajo.” Oloze omwo etu natuhaka mavoko hali mutwe Wenyi, na kwitavila jishili jetu na kupwa wakusemuka chachihya cha Shipilitu ya Kalunga, etu katweshi cheka na kufwila cha shili ko. Shili yinafumu muli enu. Echi chinapu cha lwola na Hayamyaka.

⁵⁹⁹ Ove muya nakuhengesa. Ove muya nakuholoka. Ove muya nakuchilinga chakuhenga mwakulisakwila. Ove muya nakulovoka lwolalumwe na kulinga chumachimwe. Chize kachalumbunukile nge unapu woumwe. Chize kulumbununa nge ove uli nakuya nakupwa wakwolola.

⁶⁰⁰ Kanyike walunga wamundende, lwola lwaluvulu, vana vami, navaya nakulinga vyuma vimwe. Ove weji kulinganga, nawa. Echi ove. . . Vakiko vanatachikiza nge chili chakulimbalaka na—na jishimbi jove. Kaha vakiko vanatachikiza omwo vakiko navalinga echi. Vakiko kuya nakulila hali chize, lwolalumwe kupwa umwe wamwaza. Oloze hanga ali mwanove walunga. Punduvene.

⁶⁰¹ Echi chinapu chachikalu kuli muthu kuya cheka, nge nasemuka mu Kuyoya cha Hayamyaka. Kalunga keshi mukakuhana Tanganyika wa Indian. “Wosena mwewwa Mazu Ami, na kufwelela hali Ikiye uze angutumine Yami, ali na Kuyoya chahaya myaka; kaha keshi keza Mukusopesa ko, oloze nahichi lyehi mukufwa nakwingila mu Kuyoya. Nanguya nakumusangula kumakumbi akumakumishilo.” Elu lunapu lushiko lwa Kalunga.

⁶⁰² Jino kachi enu namuya lika, nakuhanjika, “Mamalelo, chamwaza, kahajino Nanguya nakulinga kaha. . .” Kakavulu nangulinga ovyo Ngwatondo kulinga. Oloze kachi ove uli

Mukakulishitu, ove kaweshi kutonda kulinga chuma chize chakuhengako, mwomwo Chiyoyelo muli enu, chikiko chikuku chivene. Kachi ove unatondo kulinga chakuhenga, echi chinazolola chuma chakuhenga chili *munu*. “Nachipwa ngachilihi meya amasasu nawa ayema kufuma mukaselwoke umwe?”

603 Shikaho ove unapunga wakufutula mu vyuma vya muyachi wakwiva, mokomoko *chumachimwe chikwavo* vyakufwana nge kwivwa mumujimba: Vulyama echi! Yako kinduluka kukamenga na kuhanjika, “Kalunga, mbata chiyoyelo chami chashili, kaha nguhake muchiyoyelo chize mwaya kufwila chami . . .”

“Wose wakusemuka kuli Kalunga keshi kulinga shili ko.” Echi chakwoloka. Ikiye keshi na kufwila ko kulinga ngocho.

604 Punduvene, uze liyavolo mwaya nakumukwata *hano na haze*, oloze keshi kulisakwilako. Eyi Mbimbiliya yahanjika ngocho. Ou liyavolo mwaya nakumwoza, jino kaha. Punduvene, mukiko mwaya nakulinga. Ikiye esekele kwasa makonga hali Mwata wetu Yesu. Ikiye alingile nge Mose, kaha kumukwata ikiye. Ikiye alingile na kuli Petulu, kaha amukwachile. Ikiye alingile kuli vavavulu, oloze . . . Petulu kumukana Ikiye, oloze jino ikiye ayile na kulila chachindende. Kuze kwapwilenga Chumachimwe muli ikiye.

605 Omwo uze katela vamukasunuine kulovoka muze muwato . . . Uze likololo kulovoka, ikiye kutwama nakujinguluka. Ikiye apwilenga muze muwato chosena chakwoloka, oloze omwo ikiye ayile, chisemwa chenyi chapwilenga chakuhandunuka. Ikiye ahashile kulya vyamwaka nyama yakufwa natondo, kaha mwasuuluka. Mwomwoika? Ikiye apwile likololo, kukuputuka. Ikiye apwile likuvi. Ikiye kapwile wamwazako. Ikiye apwile mukakulyonga uze eji kutwamanga muliswa hamwe na katela, kupwa wamunene nge katela. Ikiye nahase kutuka kwosena katela nahase kutuka. Oloze ikiye keshi kuhasa kulya kulya chamwaza nge omu eji kulyanga katelako. Kaha jino ikiye nahase kulya kulya chakupola, chuma katela keshi kuhasa kulyako. Mwomwo, katela napu mukakufutula. Ikiye ali wakuhandunuka. Ikiye apwa katela. Kaha uze katela keshi kuhasa kupola chakupolako, mwomwo katwama na lishakushaku ko.

606 Kaha muthu uze nasemuka ku Shipilitu ya Kalunga nawiza nakupwa katela wa Kalunga, chisemwa chenyi, kwalumuna. Eyo, mwane. Enu namuhaka shipilitu ya—ya katela muli ou likololo, ikiye keshi kuhasa kutwama hali mujimba wakufwako. Kachi ikiye kuwika kuhengesa, ikiye punduvene kupwa washiwashi. ikiye kahashile kwimanako. Kaha muthu uze nasemuka mu Shipilitu ya Kalunga, keshi muuseseko. Ikiye nahase kumunyika zuvo yawala lwolalumwe, oloze ikiye kuya nakulovoka washi. Pwevo nahase kumulembejeka, mumbate

nakwalumuka, oloze ikiye kwalumuna mutwe cheka. Ikiye kuya nakufuma kuze washiwashi. Mwomwoika? Ikiye apwa katela. Echi chakwoloka. Ove kaweshi kuya kuli chileya, mwomwo ikiye atachikiza. “Mikoko jami vatachikiza Lizu Lyami, kaha ngeji vakiko kaveshi kuhasa kukavangiza.” Ikiye apwa katela, kukuputuka. Kuze kukiko Nguli nakuhanjika ha, chumachivene chize chakwata kuze.

⁶⁰⁷ Tala hakamwihi jino. “Kalunga ashingile.” Mamalelo, echi . . .

Elu tutalililo tuli nalwo nge chikungo chakwimikisa muono, yetu . . . chakukakama, kaha chengila swi namu—namu namutulo muze yalihina;

⁶⁰⁸ “Lize lihina.” Kalunga asulukile, alifwikile mumujimba wanyama. Kulinga ika? Kulisolola Lyavene. Ikiye aswekele, mwomwo etu katwamumona Ikiye ko. Kaha Ikiye aswekele kunyima ya lihina. Kaha lize lihina lyapwile Hiya? Yesu. “Keshi Yami uze eji kuzatanga milimo, Tata Yami,” ngwenyi Yesu. “Tata Yami atwama muli Yami. Ngweji kuzata. Ize milimo ya Tata, kaha Ngweji kuzata kufuma hano.” Hano Ikiye ali wakufwika Umwe, kutambuka mumujimba, Kalunga, Emanuwele, Kalunga nayetu. “Kalunga apwilenga muli Kulishitu, kukindulwisa kaye kuli Lyavene.” Hano Ikiye ali, kutambuka nakujinguluka.

⁶⁰⁹ Jino, Ikiye ejile nakushikumuka na kupwa wakujilika, mokomoko kuhana, mokomoko kwimanyinako, kuhichila mukufwa Chenyi ahanyine, afwetele ndando ya shili, mangana Ikiye ezenga cheka nakutwama muli etu. Kahajino lufwelelo luze etu tuli na—chili lufwelelo lwakufwika, mokomoko chiuva cha muthu. Shikangaho etu katwatala ha vyuma vize etu tweji kumonanga muli eli lihina. Lize lihina vanalilongesa, kaha cheji kulinga vyuma vimwe na kuhanjika vyuma. Echi chinapu chuma cha sayasi. Oloze Shipilitu ya Kalunga wakuyoya uze atwama hano, kusanyika vize vyuma vize kavyapwilenga ko, nge omu vapwilenga, kachi Kalunga ahanjikile ngocho. Kuli chikova chove. Etu tuli mu lihina.

⁶¹⁰ Jino, likumbi limwe Ikiye mwakaya nakukatula eli lihina helu, keshi wakusemuka kuli pwevo kuhichila mukufwila cha lunga na pwevo, oloze ha muchima wa Kalunga Ikiye mwakaya nakuhanjika kaha ikiye mwakaya nakwiza nakuhita. Kahajino etu natuya nakupwa na mujimba nge upahu Wenyi Ivane. Etu natuya nakupwa vakufwika, shikaho etu tunahase kuhanjika kuli umwe namukwavo, kulimeneka umwe namukwavo.

⁶¹¹ Jino, omwo etu natufuma hano, kuli mbalaka, ya mushipilitu, chifwanyisa cha muthu, nge kanda kulya, kanda kunwa, kanda kusavala, tona hayamyaka na myaka. Kuze kukiko etu tuli nakuya. Oloze vakiko vali nakuvandamina mwishi ya Kamenga, kulila, “Mwata, kufuma ngachilihi? Lwola muka?” kukinduluka cheka. Mwomwo, vakiko vanatondo

kulimeneka mumavoko na umwe namukwavo. Vakiko vanatondo kutwama na kulya, na kuhanjika kuli umwe namukwavo. Vakiko vanapu muuthu. Lijina lya Mwata vali Kisule!

⁶¹² Omwo Kalunga atangile muthu mu chifwanyisa Chenyi Lyavene ha kuputuka, Ikiye atangile ikiye kupwa. Ikiye alikachile naumwe namukwavo, mwomwo etu tunatachikiza umwe namukwavo. Etu nge vyuma vize Kalunga atutengele, mwomwo etu twatunganga. Mu Kwiza Chenyi chachinene, vaze vali vakulizanga navakaya nakupwa hayamyaka. Muuthu, etu natuya nakwimana muchifwanyisa Chenyi. Mamalelo, kukisula chipwenga ngachize Lijina lya Kulishitu!

⁶¹³ Kaha jino etu tulilyehi na mwivwu wa ulwilo wetu, nge etu tunetavila Ikiye kupwa Mulwilo wetu hakapaji, kupwa Mukakuka wetu. Vyosena evi vinapu kuvulisa, mokomoko, vyakuvulisa vize vanafweta mu insurance policy. Amena. Munatachikiza insurance policy chumamuka. Ove unahase kufumisako mwana kuvanga unahetesa mukulema chacho. Punduvene. Ove unahase kufumisako mwana. Kaha etu tuli nakufumisako vana jino. Kuvangila, chuma, nge natuhasa kufumisa vana, kuvulisa nachitungiwa cheka.

⁶¹⁴ Kaha muluwa wa insurance, lwola lumwe, ahanjikile kuli yami, “Billy, Ngunatondo kukulanjisa ove insurance.”

Ngwambile ngwami, “Nguli na yimwe.” Pwevo lyami atalile hali yami.

⁶¹⁵ Jino, kupihya chauchi kupwa na insurance. Oloze vathu vamwe vanapu “insurance poor.” Shikaho, vakiko valumukile. Ikiye ambile ngwenyi. . .

⁶¹⁶ Pwevo lyami atalile hali yami, chaungeji, “Ove ukwechi insurance?”

⁶¹⁷ Ngwambile ngwami, “Punduvene.” Ikiye katachikijile nachuma chimweko.

⁶¹⁸ Ikiye ngwenyi, “Chamwaza, Billy, muyachi wa insurance muka ukwechi?”

⁶¹⁹ Ngwambile ngwami:

Kukunyuka chakukisula, Yesu ikiye wami!
Mamalelo, kuwaha muka cha upahu wa
Ukalunga!
Swana wa ulwilo, wakulanjiwa kuli Kalunga,
Kusumuka cha Shipilitu Yeniyi, wakusanyisa
mu Manyinga Eyi.

⁶²⁰ Ikiye ngwenyi, “Chize chamwaza, Billy,” ikiye ngwenyi, “oloze kacheshi kukakuhaka muze muchimbumbembe ko.”

⁶²¹ Ngwambile ngwami, “Oloze Nachiya nakungufumisamo. Echi chikiko chuma chivene.” Kangweshi nawomako hakupwa kuze; Ngunalizakamina hakupwa kuze.

622 Kaha hakupwa Ngukwechi kukunyuka, hakulishinga cha Kalunga wa Hayamyaka, nge Ikiye mwakaya nakungusangula cheka muchifwanyisa cha Mwa Nenyi, mulikumbi lyamakumishilo, Nangukaya nakutambuka mukumika kaha kupwa nauswa kaha na chikungo cha mwono, nge, shimbu Nguli muli eli lihina kakweshi vamwe vakuzeneka kumona Chumachimwe kupwa cha kuzama ha Lilolwa lya hamyaka kuzeko. Nge meya nawatumbuka na kumwangala, kacheshi kuneha kala chihandwako. Kachi nge kufwa, kulyononona, mokomoko kalachuma, kacheshi kutuhandununa etu kufuma mu zangi ya Kalunga ko. Chikungo chami cheji kukwata mukachi ka lihina. Echa mavaji akatuke. Echa lifumike. Echa vakashili vezenga. Vaze vakakufwelela vakuhona kusemuka cheka vakwechi chikungo. Enu kamweshi kuhasa kumona kuhichila muli eli lihina. Oloze Ngunatachikiza chikungo chami chakwata kuze na Lilolwa lya muvisemunwino, Hiya nalishingi lushiko nge Ikiye mwaya nakutusangula halikumbi lyamakumishilo.

623 Shikangaho ove unahase kutala kufwa mumeso, nakuhanjika, “Mumunyi wove ulikulihi? Chimbumbwe, kuhasa chove chili kulihi? Oloze kusakwilila kuli Kalunga Ou natuhane etu kuhasa kuhichila muli Mwata wetu Yesu Kulishitu.”

Nge mukakulaha kulutwe . . .

Mamalelo, yami! Etu katweshi kuya nakulinangulako.

Hi mukakulaha lutwe . . . lwetu

624 Uze mukakulaha kulutwe. Mwatachikiza, muze mumakumbi akumusamuko (Lwola lwaluvulu Ngwayile nakuzauka vyeseko vyavivulu.), uze mukakulaha kulutwe, mokomoko mukakwendesa? Omwo matolokosho a sitima apwile nakulyeka, ha meya, uze mukakwenda ayile kulutwe. Kaha ikiye amwene miyachi ya Ma indians; ikiye avakingile vakiko. Kaha ikiye amwene kuze kuli kaselwoke wa meya. Ikiye alahile nakulweka mukulwane wa chitolokoshi cha sitima, “Kandula tuvalu, muthu wosena umikenu, palanga nakuze kupili kuze kaselwoke wa meya.” Ikye napu mukakulaha kulutwe.

625 Kaha hano, Kulutwe lwa kulivanga. Muthu lwola lumwe vamupalakanyine kuli liyavolo, mwishi yakakahya kawashiwashi, oloze Mutumwe ambachile likina lyauta. Uze apwile Yesu. Uze Mukakulaha kulutwe lwetu. Kaha Satana emanyine haze na uta walikina, kutuchisakela etu, lwola lwosena mukukashiwa na woma wa kufwa. Ikiye apwilenga nakulama uze Kaselwoke. Punduvene, mukiko apwilenga. Ikiye apwile wakahana kutuma, mwomwo etu tunavulumuna kaha vanatufumisamo muli Echi. Oloze uze Mukakulaha kulutwe, Kulishitu, kwiza nakwingila kaha kumbata uze uswa.

626 Enu mwevwa lyehi uze mwaso wamwaka, “Kwachilila ku fort, mwomwo Nguli nakwiza”? Kwachilila ku fort,

kwauchi; echa tuchimbate chize. Etu katwazangile kukwachilila nakushimbulako. Kulishitu ambachile fort. Haleluya! Chize chikolo chasokolola. “Kuli Kaselwoke wakusokoloka muzuvo ya Kalunga, mu mbongi ya Ndavichi, kupwa utoma, wakuzeneka majilo.” Wetu Mukakulaha nengila muli etu.

⁶²⁷ Uze Mukakulaha, Ikiye eji kutulweka etu, “Kuli chihela kusali yikwavo, kusali yikwavo, kuze ove kaweshi kukapwa kashinakaji chekako.” Kuze kaweshi ukapwe na mikonya, kuze ove kaweshi kukazachisa Max Factor mangana usoloke kanawako kuli lunga lyove. Uze Mukakulaha kulutwe ayile. Kanda kupwe chihela kuze ove ukwechi kukashinakaji na kuzeya na kufwakuluka. Kuli chihela kuze ove muya nakupwa wakuviza. Kuze uze kembera muya nakupwa nakuyayavala. Kuze ove kaweshi kufumisa makuli, mokomoko, lizo, nakuhakamo limwe lyakwonga. Haleluya! Mamalelo, kukisula chipwenga mu Lijina Lyenyi! Ikiye engilile, kaha wakuzeneka mujimba etu natukaya nakwimana muchifwanyisa Chenyi, likumbi limwe kuze. Vaze vatanganyika na musana vakiko navakaya nakumunyika. Punduvane. Uze Mukakulaha kuya kulutwe lwetu.

... mukakulaha kulutwe nayi lyehi, hali etu nengila lyehi, nakwingila muli Yesu, kupwa kapilishitu wakulitulaho wakuya mwayile Mekizeteki.

⁶²⁸ Ou Mukakulaha kulutwe wamunene nayi kulutwe lwetu, kutunga jila. Ikiye ejile nakufuma mu Shipilitu, uze kaselwoke wamunene wa kongolo ja Kalunga, Uze kapwilenga na maputukiloko mokomoko makumishilo. Ikiye apwilenga, hayamyaka, Kalunga.

Ize mitelezeji ya Kumunyika yayile lika. Wapwile mutelezeji wa zangi, ukiko uvene, uchila. Ulombo unashishiho kukavangiza, uze wapwilenga wausombo; usombo, kupwa muchano. Wakushisaho, kukavangiza hanyima ya uze wapwile maulombo, kuhichila mu maulombo atanu naavali akukupuka, aze anapu Mashipilitu atanu navavali va Kalunga, uze ayile kufuma ku Kaselwoke wamunene mokomoko ize Diamond kupwa nge Yesu kuhanjika. Ize yayinene ya Diamond vayipazwile, kusolola aze maulombo. Kalunga apwile alitengelekele kupwa wamusonyi nakutwama nayetu, nge Ikiye nahase kusolola kuwaha Chenyi na keke hali etu, ha mawana na vinjikizo na vihayamisa. Uze kongolo wosena wamunene kwiza nakwingila mumujimba Wamushipilitu, wa, kutenga muchifwanyisa cha muthu, oloze Ikiye apwile muthu, Ikiye kapwile namusonyiko, Ikiye apwile mujimba wa Mushipilitu.

⁶²⁹ Mose ambile ngwenyi, “Ngwakutonda kumona Ove.” Kalunga amuswekele ikiye mu lilolwa.

⁶³⁰ Kaha omwo Ikiye ahichile, Ikiye alumukile kunyima Chenyi. Mose ambile ngwenyi, “Chasolokele nge nyima ya muthu.”

⁶³¹ Kahajino chasolokele ngachilihi? Likumbi limwe kuze, omwo Apalahama apwile natwame mu mbalaka yenyi. Etu natuya nakumbata echi, ufukuuno. Omwo Apalahama apwile natwame mumbalaka, Kalunga ejile kuli ikiye, mumujimba wa nyama.

“Mamalelo,” ove muhanjika, “Ndumbu walunga Branham, ikiye apwile . . .”

⁶³² Etu natuya nakumuwana Ikiye hano vene mulikuwana na Apalahama shimbu kanda chize, muchiyulo cha Mechizendeke, mujimba wa nyama, uze apwile Kalunga. Punduvene, wapwilenga. Ikiye apwile Kalunga mumujimba wanyama.

⁶³³ Enu ngwenu, “Kahajino, Ndumbu walunga Branham, mwomwoika Ikiye atela kwiza cheka na kupwa wakusemuka?”

⁶³⁴ Ikiye asemukile jino. Ikiye apwile kaha wakutenga, mujimba uze Ikiye atwaminemo. Meuchizandeke apwilenga Mwangana wa Salema, ou napu Mwangana wa Yelusalema, ou napu Mwangana wa kuunda; uze kapwile chipwe naise chipwe naye, maputukilo amakumbi mokomoko makumishilo a kuyoya.

Yesu apwilenga na ise na naye, kaha kuputuka cha makumbi na makumishilo a kuyoya. Oloze Ikiye vamutengele “hanyima ya chiyulo” cha Meuchizandeke, ou keshi na maputukiloko mokomoko makumishilo akuyoya.

⁶³⁵ Mechizendeke apwile Kalunga Lyavene. Mechizendeke apwile Yehova Kalunga, youmwe uze aliwanyine na Apalahama, myaka kufuma haze, kulutwe lwa mbalaka yenyi. Kaha Ikiye akindulukile kuli ikiye; Ikiye ambile ngwenyi, “Mwomwoika Sala naseha?” Echi chakwoloka. Ikiye apwile Umwe uze emanyine kuze, kutala kuze kutwala ku Satome. Apalahama amutachikijile Ikiye, mwomwo mukachi ka lihina lize lyapwile chikungo kukwata luze lushiko. Keshi mwomwo ikiye apwilenga na vyakwivwa mumujimba, oloze Kalunga amulingishile ikiye lushiko. Kaha omwo ikiye ejile nakwingila nakukwachiwa kuli ize magnet, ikiye mwaya Nakutachikiza nge apwile mumusonyi.

⁶³⁶ Kutambuka nakulovoka na Apalahama, kulovoka kuze na chihanda chachindende. Ikiye amulwekele Apalahama. Ambile ngwenyi, “Hakumona chize, Ngumuwekele Apalahama, kumona ikiye napu swana wakaye? Kangweshi kuhasa kuchilingako.” Shikaho, “Apalahama, Nanguya nakumilweka omwo Nguli mujila Yami yakulinga,” etu twachimbachile na ufukuuno, “kuze mu Satome,” kaha chuma vakiko vosena vayilenga nakulinga. Kaha haze vene Ikiye amukiswile Apalahama, Ikiye akindulukile muchihela cheka. Muthu Uze emanyine haze na mulukungu ha uvwalo Wenyi, Muthu. Kaha keshi ngocho kahako, oloze Ikiye valile nyama ya mwana ngombe uze ajihile Apalahama, na kunwa mavele kufuma ku ngombe, kaha kulya chindanda chimwe cha mukoko wachipwevo (mbolo yimwe),

kaha kupwa na mateka. Echi chili vene chakwoloka. Kaha jino kwalumuka kunyima ku mujimba Wamushipilitu cheka.

637 Chapwile chuma muka? Mwomwoika Ikiye ambachile echi jino? Ikiye kanda lyehi asemuke nge enu na Yami. Oloze Ikiye atela kusemuka mumujimba wanyama, shikaho Ikiye ahashilenga kukwata uze mumunyi. Uze wapwile mujimba wakutenga. Uze apwile na mujimba uze Ikiye afumishile malolwa na senga yahamavu, kaha ambile ngwenyi, “Hee,” kaha ngwengililemo. Chize chikiko chuma chochimwe Meuchizandeke chapwile. Ikiye engilile muli ikiye, mumujimba uze Ikiye ahashile kutambuka shimbu kahanda ikiye kupwa mwishi ya lihina, ya lihina lya kutenga Chenyi Ivene; keshi lihina lya tengeso ya pwevo, kuhichila mu lijimo lya pwevo, kuhichila mu—mu kaliundu, kanda lyehi. Oloze Ikiye atengele echi na kwingilamo, kaha kuhanjika, muchiyulo cha Meuchizandeke.

638 Hiya ou Meuchizendeke?

Mwomwo ou Meuchizendeke, mwangana wa Salema, (ou ali Yelusalema), mwangana wa Kalunga wamunene, (punduvene), uze ali wanyine na Apalahama ha kukinduluka kufuma kukukujiha vamyangana, kaha amukiswile;

Kuli hiya nawa Apalahama ahanyine chihanda cha mbalaka yosena; chatete kupwa ha kulumbununa Mwangana wa kwoloka, (uze zangi yayinene, ize Shipilitu yayinene mukuputuka)...Mwangana wakwolwoka, ...waha...Mwangama wa Salema, uze apwile, uze Mwangana wa kuunda;

Keshi naiseko, chakuzeneka naye, chakuzeneka chisemunuino, kupwa chipwe na maputukilo a makumbi, mokomoko makumishilo a kuyoya;...

639 Hiya? Ikiye kasemukile, Ikiye kafwako. Hiya? Apwile Kalunga, punduvene, chapwile, mu muvwimbimbi wa Mwata Yesu. Punduvene chapwile. Oloze Ikiye ejile kuhichila muli pwevo, mangana apwenga kuhichila muli pwevo. Kaha Ikiye atela kwiza mujila ove kwiza, mangana kukukindulwisa kuli Ikiye. Haleluya!

Likoji lyakukomwesa! omu chiyema vene,
Uze alwilile mukakuhutwa, kapuputa
wamokomoko nge yami!
Ngwapwile wakujimbala, oloze jino
Vananguwane, ha likoji Lyenyi,
Ngwapwile kapuputa, oloze jino Ngunamono.

640 Ngunevushisa chumamuka Ikiye apwilenga nacho chakulinga. Kalunga ejile nakupwa yami, mangana Yami ha likoji pamo nguhase kupwa Ikiye. Ikiye ambachile jishili jami, kuhichila mukwoloka Chenyi Ngunahase kupwa na Kuyoya cha Hayamyaka. Kangwahashile kusakula amilyaveneko. Chisemwa

chami chapwilenga mukashili. Kangweshi nachuma chimweko na echiko. Ngwapwile “wakusemuka kukaye, vakutunga muupapwoki, kwiza kukaye nakuhanjika makuli.” Keshi numba nalihanya, numba mumweko; kakweshi chuma chakufwilako.

⁶⁴¹ Mulweke ngulu nge “wakuhenga, kulya majilo,” unahase? Talenu omu mwamivwulila. Mulweke likololo nge ali “wakuhenga, hakulya ha mujimba wakufwa,” kaha talenu chuma ikiye mwaya nakumilweka. Kachi ikiye nahase kukulweka, “Ove tala kumilimo yove.” Punduvene.

⁶⁴² Mamalelo, oloze likoji lya Kalunga lize lyalumukile kupwa chisemwa, kaha nguhane lisesa lyakufwila na kutonda na pwila, “Zangi yove yakuzanga kuli yami kuhambakana chiyoyelo, Ove Kalunga. Muchima wami nauya na kutonda Ove.”

⁶⁴³ Ndavichi ambile ngwenyi, “Nge omu kapaji mwahilasana nakutonda kalwiji wameya, shikaho mwono wami uli napwila hali Ove, Ove Kalunga.”

⁶⁴⁴ Kalunga ahanyine muthu lize lipwila, lya kulifukula kuli Ikiye, kuzanga, kutonda Ikiye. Oloze muthu kuchichongonona na kusanyika cha liyavolo, kaha ikiye kuya na kuvwila lwisio mapwevo na chiseke na vyuma vya mukaye, kweseka kusuulwisa tengeso yajila ya Kalunga ize nahakemo, kuzanga Ikiye. Ikiye kuchihaka ha vyuma vya mukaye. Oloze, ndumbu walunga, omwo ikiye alumukile kamwe, kaha uze kaselwoke na mavvovela, miyachi yosena ya—ya kuzeneka chiyulo muze mulishima, vanavakosomo na kulijilika, kaha Meya atoma a Kalunga nahake muze, shili kaweshi kuhasa kukwata chizeko. Amena.

Ove omu Ngwamuzanga Ikiye! Omu Ngwamu
Ikiye kupwa kulifukula Ikiye!
Chiyoyelo Chami, Kumunyika, Chosena muli
Vosena!

Uze Tengi wamunene ejile nakupwa Mulwilo
wami,
Kaha kuzalilila cha Kalunga kutwama muli
Ikiye.

Kufuma mu upahu Wenyi, mujimbu wa
chiyoyelo,
Kalunga Kami na Mulwilo ejile, kaha Yesu
apwilenga Lijina Lyenyi.
Kusemuka mumahina, kuli Lyavene Ivene
ngeji,
Uze Kalunga waushona, masoji na ushona.

Ove omu Ngwamuzanga Ikiye! Omu Ngweji
kulifukula Ikiye!
Kuhwima Chami, Kumunyika, chami Chosena
muli Vosena!

645 Ove Kalunga! Ikiye achilingile ngachilihi? Muthu esekele kusoneka echi. Umwe ngwenyi:

Kachi kalungalwiji azalile na ulombo,
Kaha liswaswa chosena hamavu chapwile
sonekeso;
Utangatanga wosena wapwile lipapilo,
Kaha muthu wosena kupwa mukakusoneka;
Kusoneka eyi zangi ya Kalunga wa mwilu

Omwo uze Kalunga wamunene wa Mwilu ejile nakupwa musonyi na kumbata shili yami!

Kusoneka eyi zangi ya Kalunga wa mwilu
Kachi nachumisa kalungalwiji chau;
Mokomoko chipwa lipapilo lyakutela vyosena,
Chipwe lipwenga lya kutanduula kufuma
kuutangatanga na kuutangatanga.

646 Kaha kulingisa vaswana va ulwilo kupwa vene lutalililo, Ikiye alishingile na Lyavene nge Ikiye mwaya nakusangula etu mumakumbi akumakumishilo, tuhane Kuyoya cha Hayamyaka. “Kaha kakweshi naumwe muthu mwahasa kuvafumisa mulivoko Lyamiko.” Amena.

Echa tulombe.

647 Ove uli namulonga wakukana zangi Yeniyi? Ove unakane Kupwa kukisula Chenyi, ou Umwe wamunene uze akulingishile ove kupwa omu uli? Kaha hano hakiko ove uli, chimene chino, kwakusuku muchiyoyelo, kaha echi chili nakukuhana lisesa. Ove unatondo kutwalilaho kuyoya? Kuli kaha jila yimwe yili nakuyoya, shina kufwelela hali Mwata Yesu. Kachi ove, kufuma mumuchima wove, fwelela ngana nge Ikiye Mwana Kalunga na kwitavila Ikiye kupwa Mulwilo wove, kaha kufwelela nge Kalunga amusangwile Ikiye kupwa wakwoloka, kachi ove unatondo kwitavila echi ha chikuku, chinapu chove jino.

648 Unahase kuzundula livoko lyove? Mwono umwe uli nakuvandamina, uze nazange kulikonekela chimene chino, kuhanjika, “Anuka yami, ndumbu walunga, mukakunangula, shimbu etu natuya nakulomba. Ngunahono. Ngunalinungu na liuka, oloze Nguna—Ngunatachikiza Kangweshi—Kangweshi na chize chuma ove uli nakuhanjikaho. Kanda lyehe ngusemuke ku Shipilitu, Ndumbu walunga Branham. Kangweshi—Kangweshi Nachoko, mukiko kaha. Ngwatondo enu kungulombelela yami, mangana Kalunga mwaya nakukuhana Echi chimene chino.” Kalunga akukisule, mwane. Kunahase kupwa mukwavo? Kuhanjika, “Kalunga, ngutwale kuli yami chuma Ove unatondo yami kupwa. Ngwatondo Ove kupwa. . . Ngwatondo kupwa nge Ove unatondo yami kupwa. Ngunane Zangi Yove.” Kalunga akukisule, mwana walunga.

649 Chindende kaha jino.

Kachi kalungalwiji azalile na ulombo,
 Kaha kachi utangatanga kupwa hakusonekela;
 Kachi chiswaswa hamavu chapwile sonekeso,
 Kaha muthu wosena kupwa mukakusoneka;
 Kusoneka eyi zangi ya Kalunga wa mwilu
 Kachi nachumisa kalungalwiji chau;
 Mokomoko kachi kupwa na lipapilo
 lyakutamo,
 Chipwe lipwenga lya kutanduula kufuma
 kuutangatanga na kuutangatanga.

Mamalelo, zangi ya Kalunga, omwo yavula
 kaha yitoma!
 Omwo yahona jimbango kaha yazama!
 Nayikaya na kwilila,
 Mwaso wawa kakujila na Vangelo.

⁶⁵⁰ Ove Kalunga, mwamuchano uze mukakusoneka kusoneka awa mazu apwile kaha nge vavavulu veka vakakufwelela Jove, kutondatonda, kweseka kuwana mazu mangana kusolola echi. Kaha vachisoneka mu Mbimbiliya, “Kuhambakana, mwomwo mukakunangula apwile wamangana, ikiye atondele kaha kutwama muchiyulo mumazu amavulu.” Mamalelo, omu etu twazanga kupwa na lilimi na hanjikiso ize etu tunahase kulumununa kuli vathu chinapu chumamuka, oloze kacheshi kuwanyika mumivumbo yakala muthuko. Hayamyaka yosena, chakuzeneka kukakasana chipwa nachiya nakusoloka, omu uze Kalunga wa Mwilu kwiza kumavu nakulwila mukakuhutwa, wakujimbala, vakashili vakuvindama.

⁶⁵¹ Ngwalombo Ove, Tata, nge kuhichila muli awa mazu amandende, mokomoko mazu akutuvika chimene chino, nge omu Ngunahase kuhanjika, muthuumwe nawane kuunda kaha kusuuluka kaha kuwana uswa wangolo, uze nachinyina mwakuswama. Kaha echa myono yavo kuzamina muli luze lushiko luze Kalunga alishingile, nge Ikiye mwaya nakusangula vakiko halikumbi lya makumishilo. Mavoko amavulu kwilu, muze muzuvo, hano vene mumbalaka. Kalunga, avahanyine luze lualililo lwakumika, hano vene. Echa vakiko vazaminyine hali Lilolwa lyahamyaka. Chipwethuhu kalungalwiji wamupi ngachilihi kukinduka na makimba kutumbuka helu, vakiko vakwechi chakuzaminyina, luze lushiko lwa Kalunga. Haze vakiko vatwamine, “Kalunga ngwenyi Echi. Ikiye keshi kuhasa kulyonga.”

⁶⁵² “Wosena mwevwa Mazu Ami,” eyi Ngulinakweseka kunangula chino chimene, “kaha kufwelela hali Ikiye uze angutumine Yami, Yehova, ali na Kuyoya cha hayamyaka; kaha keshi keza kukamusopesa ko, oloze nahichi lyehi mukufwa na kwingila mu Kuyoya.”

653 Ove Umwe wa Hayamyaka, kisula vase lelo. Kaha echa kala muthu muno hano keshi mwishi ya Manyinga, mwono wavo kanda kupwa wakwalumunako, echa echi chisoloke jino, Mwata. Ove weji kuzata mangana akuswamana. Echi chinapu Chove. Echi chili chakukunjika kuli Ove. Ngwalombo nge Ove uyenga nakuvahana vakiko, Kuyoya Chahaya myaka yosena. Echa, likumbi limwe, kusali yikwavo, nge umwe hali umwe etu kuya nakushikumuka kuhita muchana, echa etu kuliwana kuze kuze vakiko kaveshi kukahanjika “wawawee” keshi chekako.

Likumbi limwe etu natukaya nakwiza
kukalwiji ka kusoka cha lwola,
Omwo vishinganyeka vyamakumishilo vya
ushona navikaya;
Kuli nakupwa Muthuumwe kuvandamina nge
nakuya nakusolola jila,
Kangweshi kuhasa kuzauka Yotane
ukawamiko.

Kuli nakuya nakupwa Umwe, Muthumwe
kuvandamina nge navaya nakungulweka jila,
Kangweshi kuzauka Yotane . . .

654 Vosena vakwechi lutalililo, zundula livoko lyove jino shimbu nauzundula mutwe wove.

Omwo Nanguka . . .

Jino lifukule kaha Ikiye. Ou mujimbu uli hali. Ove kawawahilileko? Kalunga alishingile Ikiye keshi . . . Kalunga kulishinga Ikiye keshi kukuwana kuzeko.

Yesu afwililile ha jishili yami nakungutomesa;
Omwo milima Ngwa . . . (Nauhanjika ika?
Uze mumunyi unayi.) Ikiye mwaya
nakunguvandamina,
Kangweshi kuhasa kuzauka Yotane
ukawamiko.

Kakavulu veji Kungukana, kaha kuzeya . . .

Kulifukula Ikiye jino.

. . . kusolola nge masepa jami kachi vosena
vanayi;

Ove waheta lyehi hali chize chihela?

Oloze kuli chishinganyeka chimwe chize cheji
kungusuulwisanga . . . (Lushiko lwapwile
luka?) . . . kulingisa muchima wami
kuwahilila,
Kangweshi kuhasa kuzauka Yotane . . .

655 Jino, vana va lushiko, lifukule kaha Ikiye hali chize.

Kangweshi kahasa kuzauka Yotane
ukawamiko,
Yesu afwililile ha jishili yami nakungutomesa;

Chumamuka chasolokanga jino?

Omwo Nguli nakumona milima, Ikiye mwaya
nakunguvandamina,
Kangweshi kuhasa kuzauka Yotane
ukawamiko.

Omwo Nangukeza kukalwiji. . .

Enu vosena muli nakwiza. Kuli chuma chachinene, muvwimbimbi wilava kutwama kuze kumeso ove. Chinapu chikolo chachinene. Enu namukaya nakwingila muze, likumbi limwe hamakumbi awa, pamo shimbu kanda lize likumbi kuze, pamo shimbu kanda liuka lisoke chimene chino. Ove yako nakwingilamo. Kala lwola luze muchima nauveta, ove uli natambo yimwe hakamwihi.

Oloze omwo Nangumona milima, Ikiye mwaya
nakuvandamina kuze,

Ikiye ambile ngwenyi Ikiye mwaya. Ikiye kulishinga Ikiye kuya.

Kahajino Kangweshi kuhasa kuzauka Yotane
ukawamiko.

⁶⁵⁶ Ove Mwata Wakukisula, michima yetu yipwenga yakuzala, chimene chino, kulaha kuze.

⁶⁵⁷ Kushinganyeka omwo kuhwima nachikuma, kaha uze nasi kushindakanya musau nakujinguluka mutwe. Kaha mavoko enu, enu kamweshi kuhasa kutambuka chekako. Mavoko enu analumukila kumameya. Vana venu, mama yove, vakuzanga vali na kutambakana na kulila. Chize chikolo chachinene chakusokoloka, kuze. Ikiye mwakaya nakuvandamina.

⁶⁵⁸ Ndavichi ambile ngwenyi, “Kachi Nanguhaka kahela kami muhetese, Ikiye mwaya kuze.” Kangweshi kuhasa kuzaukako ukawenyi. Omwo kumwangala cha kalwiji nachiputuka kumwangala kumeso etu, Kalunga mwaya nakumbata wato wakuyoya, kutetekela hazevene nakuzauka. Ikiye ashikile Ikiye kuya. Ndavichi uze kapolofweto ambile ngwenyi, “Yaa, chipwe Nangutambuka muvinema vyamuvwimbimbi wa kufwa, Kangweshi kwivwa woma walupi ko. Ove uli nayami. Mukombo na ngolo Jove, veji kunguvendejeka.”

⁶⁵⁹ Mwata, etu twawahilila lelo, nge etu twambachilenga kupwa swana wa lushiko. Lelo etu tuli na mukachi ketu Kuyoya cha Hayamyaka, mwomwo etu twazanga Mwata Yesu na kufwelela Ikiye, kaha kwitavila Lizu Lyenyi na kunangula Chenyi. Kaha Ikiye atuhanyine etu, kupwa katachikijilo ka lufwelelo, ou Shipilitu Wajila, katachikijilo ka Shipilitu Wajila. Lufwelelo lwetu mukachi ketu chakwata. Kaha chipwe lwolalwaluvulu etu

tuli nakutambuka kuhichila mumivwimbimbi yamilima, lwola lwaluvulu etu tunapu chimbunji mujila, oloze chikungo chetu hanga chakwata. Kuli chumachimwe muli echi, mujila okwo, echi chinasoloka kupwa nakutwaminyina, kuhanjika, “Tambuka nakwiza. Etu tuli nakuya.”

660 Kalunga, tukisule. Etu twatondo Ove. Tulame etu vakakufwelela na muchano palanga lwola Ove kwiza kuli etu, etu natuya nakwalisa Ove kuhichila mummyaka yakuzeneka kukuma. Kaha lize likumbi omwo etu natwimana hano hamavu. . . mahinji Eyi akukisula kanda akwate hamavu. Haze Ikiye nemana, mupeho; kaha vakujila na vakusokola kufuma muvisemunino vyosena, kuhichila mukala tando, chatete, chamuchivali, chamuchitatu, chamuchiwana, chamuchitanu nakamwe, na chamuchitanu nakavali, vyosena kwimana muze muchikuto mukwoloka Chenyi; etu kumuhaka muchama Ikiye uze Mwangana wava mwangana na Mwata wava myata, kaha kwimba ize mijimbu yakusokoka. Michima yetu yakuhutwa nayiya nakuchikima shimbu etu natutala hali Ikiye Uze atuzangile etu na kulihana Lyavene hali etu. Shimbu etu twapwile vakuzama na vakashili, Kulishitu afwile mangana vatulwile. Etu twasakwilila Ove hali echi, Tata, mu Lijina Iya Kulishitu. Amena.

661 Ove wamuzanga Ikiye? Mamalelo, omu Ikiye apwa wamwenemwene. Kanda kaha kwivwa nge ove uli nge mumwe kuhaka mavoko ove hali Ikiye? Kaweshi kuzanga kukalava na kukwata kumahinji Eyi, munatachikiza?

662 Munatachikiza, kuze kwapwilenga vathu vamwe kwiza kukutangisa cha Phoenix, Arizona, kuhanjika, “Ngwakutonda kuhanjika echi hali Ikiye. Ngwakutonda kuhanjika, ‘Mwata, Ove wanguzangile yami omwo jila yami yakujilikile.’” Ngwazangilenga kuhanjika echi hali Ikiye shimbu kanda etu kuzauka. Ngwa—Ngwatondo kumumona Ikiye. Ngwa—Ngwa—Ngwa—Ngwakutonda kumona Ikiye. Kushinganyeka omu Nangwivwa, omu muchima wami wakuhutwa omu Nangukamumona Ikiye kwimana haze.

663 Kakavulu ngweji kulikomokela, “Kachi Nanguhasa kwivwa lize Lizu kuhanjika, “Twaya kuli Yami, enu vosena muli nakuzata kaha munalemuwa. Nanguya nakumihana kunoka.”

664 Kangweshi pamo kwivwa nge hatoma nge omu Ikiye ahanjikile, oloze Ngwatondo kwivwa Ikiye kuhanjika, “Eli likiko likumbi Iya makumishilo. Eli Iyapwile kanawa, Yami wamwaza na ngamba wakushishika, jino kwingila mu kuwahilila cha Mwata nge vamiwahishilile enu.” Kufuma haze?

665 “Kufuma haze kukulwila?” Nduma, ndumbu walunga.

666 “Hakupwa chikuku cha kaye, omwo Ngwakumwene ove na kukutachikijile ove, kaha kukutongola ove mu Kuyoya Chahaya myaka,” ove vakukisula Iyehi jino. “Vyosena vase

Ikiye atachikijile, Ikiye vavasanyikile.” Echi chakwoloka? “Vyosena Ikiye vanamusanyika, Ikiye navavulukila kwoloka. Vaze Ikiye apwilenga navavulukila kwoloka, Ikiye navatohwesa lyehi.” Yenu haze. Ikiye atutachikijile, atusanyikile, atuvulukilile kwoloka, kaha etu tunamutohwesa lyehi na Ikiye, kusongo ya kaye, kuya kufweto yetu. Ove kawawahilileko? Punduvene, nachiya nakukulingisa ove kupwa zangi Ikiye. Nge kaweshi kuhasa kulikafwako ove lyavene, kaha hano Ikiye ejile na kukulingilacho.

⁶⁶⁷ *Lwa Kukisula Luze Lungoji Lweji Kukasanga*, Ndumbu wapwevo Gertie. “Michima yetu muzangi muli Kulishitu,” shimbu etu natupwa na echi kulikata chachindende hano jino, kahajino etu natuya nakulombelela vakakuviza. Kalunga amikisule. Ove unazundula mavoko kuli Kulishitu chimene chino, kukuwanyina chihela kulifukula, kuzachila Ikiye.

⁶⁶⁸ Jino, echa tulifukule kuli Ikiye jino, nge chikungulwilo, enu vosena va Mesondisiti, liuka lya Kalunga, Asembuli ya Kalunga, Pulishitelyani, Luteleni, Katolika. Vosena hamwe jino, echa twimbenu jino.

Kukisula lungoji lunahase kukasa
Michima yetu muzangi muli Kulishitu;
Shimbu kanda Litanda lya Tata
Chili nge chize Helu.

Kumeso a Litanda lya Tata,
Etu kuhingununa lilombo lya keke;
Woma wetu, lutalilo lwetu, kufwila chetu
kupwa umwe,
Kuunda chetu na kuzakama chetu.

Omwo etu natuteula chihanda,
Cheji kutuhana kukola chamukachi;
Oloze etu natukaya nakupwa
vakulinungamo . . . (Vangahi va Mesondisiti,
Mbaputishiti, na vyosena?)
Kaha kutalilila kuliwana cheka.

⁶⁶⁹ Kumana chize kacheshi kukulingisa kwivwa kanawako? Echa twalumuke na kulimeneka umwe namukwavo mulivoko jino, shimbu etu natuya nakwimba cheka.

Shimbu kanda . . .

Limenekenu mumavoko, muthumwe kunyima yove, kulutwe lwenu, kusali yosena.

. . . Litanda,
Etu kuhingunuka lilombo lya keke;
Kusuuluka chetu na kuzakama chetu.

Jino omwo etu natupulika muchihanda,

Etu natuya na kuzanga umwe namukwavo.

Echi cheji kuhananga . . .

Kachi kutanga nachiya lika? Talenu? Omu mukiko etu natushinganyeka.

. . . kukola chamukachi;
 Oloze etu natukaya nakupwa namuchima
 wakulinunga, (muli umwe)
 Kaha kutalilila kuliwana cheka.

Kachi nge hano, ha Likumbi lyalinene etu natuya nakuliwana.

⁶⁷⁰ Jino, Tata, kutambula kulifukula chimene chino. Mbata Lizu na kutumbachisa Mukachi kamichima ya vakakufwelela. Echa vakiko vahone kupwa vakukokangiza, kaha lelo na kushikumuka hamene, oloze echa aze Mazu kuwana kunoka muchihela havo chakunokela mumuchima wakala mukakufwelela. Kutachikiza echi, nge, “Kalunga nalishingi na lushingo, kaha kuli vyuma vivali vyakulimanyina. Chize kuzeneka kuhona cha Kalunga, chili, nge chinapu chachikalu kuli Ikiye kwonga, nge vakakuswana ou ulwilo vanahase kupwa nalutalililo lwakuzama, kuzama mbe na kukunyuka, chikungo chamu mwono.” Kutachikiza echi, nge, “Kalunga natushiki, hakulishinga na lushingo. Umwe, uze Ikiye keshi kwongako; mukwavo, Ikiye kulishinga nalushingo lwahelu muze, nge Ikiye mwaya nakusangula etu ha likumbi lya makumishilo na kutuhana Kuyoya cha Hayamyaka.” Kutachikiza, chize, “Hanyima etu vanatusanyika, nge Ikiye ahanjikile nge Ikiye atachikijile shimbu kanda chikuku cha kaye, kaha kututongola etu kupwa vana kuhichila muli Yesu Kulishitu. Kaha Ikiye atachikijile etu. Ikiye atusanyikile. Kaha omwo Ikiye atusanyikile, Ikiye atuvulukilile kwoloka.” Etu katweshi kulivulukila kwoloka etu vaveneko, shikaho vatuvulukila kwoloka ha kufwa cha Mwa Nenyi Lyavene. “Vaze Ikiye navavulukila kwoloka, Ikiye navatohwesa lyehi.” Eli Lizu vanalihanjika lyehi. Kaha etu tuli mujila yetu yakuya, kuya, nakuwahilila ha jila yetu yakuya ku Upahu.

⁶⁷¹ Kuhana vathu lufwelelo, kaha echa vilinga vyavindende na vyuma vize vinasukama kuli vathu, echa vakiko vakasunuke kufuma kuli vakiko, chimene chino, na eli Lizu lya Kalunga chize chinapu chikungo cha mwono, kuzama mbe kaha kupwa vakukunyuka. Echa vakiko vatotomoke kufuma kujitato javo, kumatoto avo amandende. Kaha vyuma vinapu . . . Nge omu Paulu ambile ngwenyi, mukutwalilaha chihanda cha mujimbu mumakumbi amandende, “Echa etu tutulike viteli kusali, na shili ize yeji kutulingisanga kupihilila washi, nge etu tunahase kuchina na kuunda kulaha chili kumeso etu; kutala kuli mukakuhana na kukumisa cha lufwelelo lwetu, Yesu Kulishitu, Uze apwilenga wakweseka mujila josena nge etu omu twapwa, oloze chakuzeneka kuvulumuna.” Ikiye vamwitavijile kupwa

wakweseka, oloze Ikiye kononokele kuli chize chesekoko. Kaha etu kutweseka ku shili, oloze kanda tupwa vakwononoka ko. Mwomwo Chiyoyelo echi chili mukachi ketu kanapu chikungo cha makumbishilo a Hayamyaka namyaka, kaha etu kukwachilila ku muchima wakujila.

⁶⁷² Jino, kuli vavavulu vaze Satana nayanjisa na kuyanjiwisa. Etu tunatondo kuvalombela, Tata. Echa vakiko, shimbu vakiko navahita mu Lizu lya Kalunga lelo... Lize Lizu lya mwaza lize vanambulula, eyi Mbimbiliya kuhana unjiho, ou Vangelo ja Kalunga kwimana hakamwihi, kaha Shipilitu Wajila wamunene, helu lyosena, yinemana hano kuhana unjiho ku Lizu. Jino, Tata, shimbu vakiko navahita mu Lizu lya lushiko, chimene chino, echa vakiko vayenga nakufuma hano nakupwa kanawa. Kufumisa mahinji andundu, kuseza vitwamo na—na mihela ize vakiko vasavalangamo, kaha kupwa kaha kanawa. Tuhanecho echi, Mwata. Echa vakiko vakinduluke kutanga echi vakiko vanetavila kwiza, mokomoko kumauka avo vavene, kuwahilila, kusolola vyuma vyavinene Kulishitu alingile. Ou etu tweji kuzachila upahu wove, mu Lijina lya Yesu. Amena.

⁶⁷³ Nguli nakuli konekela ha lushiko luze Ngwashikile, chize chimene etu twatela kupwa na kapetulu 7, oloze Kangwahashile kupwa nachoko. Kaha etu twatela kwitavila lwola lwalundende hano ha—mwomwo yaechi, mwomwo ya mukana wakulombelela. Kaha jino, ufuku uno, nge Mwata netava, etu natuya nakumbata kapetulu 7, kaha nakuwana Hiya ou Meuchizandeki apwa. Vangahi vanasake kutachikiza? Mamalelo, etu tuli nakuya nakushikumuka kuli Ikiye, kuwana vene nge Ikiye Hiya. Kaha Chisoneka cheji kwambululanga Ikiye hiya. Talenu?

⁶⁷⁴ Kaha Scofield ahanjikile nge apwile “muupilishitu.” Nachiya nakupwa ngachilihi kupwa muupilishitu, chakuzeneka kupwa maputukilo mokomoko makumishilo? Enu mwamono, kawapwile kapilishitu ko. Apwile Muthu, Meuchizandeki (Lijina), Muthu.

⁶⁷⁵ Nge, kuhona kuhana kalemesa, oloze Mukakulishitu Sayasi kuhanjika Shipilitu Wajila “chishinganyeka.” Kaha Mbimbiliya ngwayo, “Ikiye, Shipilitu Wajila.” Kaha *Ikiye* napu kuvuluka muthu ukawenyi. Ali Muthu; keshi chishinganyekako. Ali Muthu. Mukiko vene.

⁶⁷⁶ Kaha Meuchizandeki apwa Muthu, Muthu Uze wakuzeneka maputukilo mokomoko makumishilo akuyoya. Ikiye apwilenga na tata mokomoko mama, mokomoko kupwa na unwe. Kaha etu natuya nakuwana Ikiye Hiya, ou Mwata netavila, ufukuuno, ha Lizu. Ove wamuzanga Echi? Mamalelo! “Lizu Lyove lili mujeji muli eyi jila na mahinji ami.” Mamalelo!

⁶⁷⁷ Jino, enu ngwenu, “Ndumbu walunga Branham, Ngwahono kwivwushisa Echi chosena.” Chipwe Yami nawa.

678 Oloze, lwola lumwe, Ngwapwilenga nakunangula mu Kentucky. Kaha kuli vamwe vaneza kalinwaha, na Katolika na vamwe vakuhandunuka, hiya pamo mwahona kwivwushisa omu mwajindama, vyuma vyakutamo vya Chisoneka. Ngunapunga nakunangula ha kuka cha Ukalunga. Kanyike wapwevo wamundende wamahinjihinji ahehele. . . Ikiye kapwile numba myaka fifiteni yakusemukako, apwile na kemba, kaha apwile nakalepa. Ngwambile ngwami, “Ukalu ulihalihi, ndumbu wapwevo, na kemba yove?”

679 Ambile ngwenyi, “Chikwechi kunyikisa.” Ikiye kapwile nakutachikiza chumamuka chakuhanjika, kalepa. Ikiye kahonene kutachikiza mwakuchivulukila.

680 Chuma chachindende pamo kanda lyehi apwenga na jisapato, muchiyoyelo chenye. Lunga umwe ali wamwaza, jikambu jajisuku jakusukama. Ngwambile ngwami, “Ove wafwelela?”

681 Kaha vaze vavandende, vameso atomonoka kutala hali yami. Ikiye ambile ngwenyi, “Yaa, mwane. Ngunakunyuka kufwelela.”

682 Ngwambachile uze kemba wamundende. Kaha shimbu Ngwapwile na kulomba hali chize, echa kunyikika. Huu-hu. Kaha chayile, ayile.

683 Likumbi likwavo, Ngwapwile na mihale, kusali ya pili. Ngwevwile muthu umwe kutwama kuze kuhanjika, kumona kujinguluka. Kaha Ngwasenunikile hamavu. Ngunapunga mukakuhanga mihale. Vakiko vapwile nakuhanjika hali yami, kutwama kuze, kujakuta makanya na kufwiza, mafwo kutuka, nge *ngachize*. Kaha vakiko vapwilenga nakuhanjika hali echi, jino, ha kuliwana chaufuku shimbu kanda. Umwe wavo ambile ngwenyi, “Ngwamwene uze kemba. Ngwayile kuze, chimene chino. Kanyikisako, oloze chimene chino.” Talenu? Ngwenyi, “Chize chapwile chamwenemwene.” Kaha ikiye apwile nakufwijila.

684 Kaha vakiko vapwile na mata akundaminyine ha mutondo, shikaho Ngwashinganyekele Ngwatela kulilingisa yami lyavene kumutachikiza. Munatachikiza, vakiko vatela kupwa vakufweta chikuma kuze, nawa. Shikaho, Ngwatambukile nakuya. Ngwambile ngwami, “Chimene chamwaza, vandumbwami.”

685 Uze mukweze wamunene, asolokele kuhanjika, ikiye apwile wakutanyuka mukanwa kenye, nge ngachize, mujila kulovoka kusali nge ngachize, kaha kutohwa, kusuwa cha shingo. Kaha ikiye apwile na litepa lyalinene lya mwaka, kukoka kumeso eyi. Ikiye atalile nakujinguluka na kumona yami. Ikiye alovele nakukwata litepa, kulifumisa, kuya mu *gulp*, kumumina muze, ngwenyi, “Chimene chamwaza, zuvo yayinene.” Talenu? Eyo, mwane. Kalemesa. Kaha echi chakwoloka. Omwo ikiye ayoyele hali chize, Ngunahono kutachikiza, oloze ikiye alingile.

⁶⁸⁶ Shikaho, ufuku washishileho, kukinduluka, kuze kwapwile muthu kuze uze atondele kulipula jipami na yami chindende. Ikiye ayile kuliuka lize kalyafwelela mu kuka cha Ukalunga. Shikaho, uze apwile liuka lya Mesondisiti, White Hill, Kentucky. Shikaho ikiye—ikiye ayile na..Ikiye apwilenga nemana kuweluka. Ikiye apwilenga nalizango lyakuzala mulivoko lyenyi. Kaha ikiye ngwenyi, “Ngwatondo kuhanjika chumachimwe, mukakunangula. Kangweshi kuhasa kwitavila Chizeko, mwomwo Kangweshi kuhasa kumona Echiko.”

⁶⁸⁷ Ngwambile ngwami, “Ove kaweshi kuhasa kumona Echiko?”

⁶⁸⁸ Ikiye ngwenyi, “Nduma.” Ngwenyi, “Yami ngumuthu wakuviza, yami lyavene. Oloze,” ambile ngwenyi, “Kangweshi kuhasa kumona Echiko.”

Ngwambile ngwami, “Ove wakuyoyela kulihi?”

Ikiye ambile ngwenyi, “Kunyima kuze ha Big Renox.”

Ngwambile ngwami, “Chamwaza, nauya ngachilihi kwimbo?”

Ikiye ngwenyi, “Chamwaza, Yami nanguya nakutambuka kuya kwimbo.”

Ngwambile ngwami, “Unahase kumona limbo lyove?”

Ikiye ngwenyi, “Nduma, mwane.”

Ngwambile ngwami, “Kuli milima yaufuku, kuli mavwe.”

Ikiye ambile ngwenyi, “Eyo.”

Ngwambile ngwami, “Ove uli nakuya kwimbo?”

Ikiye ambile ngwenyi, “ha ou mutelezheji.”

Ngwambile ngwami, “Lize linongo kalyasolola chize kumunyikako mujila ya zuvo yosena.” Ngwambile ngwami, “Namuya ngachilihi?”

Ikiye ambile ngwenyi, “Mamalelo, Ngwatambukanga ha linongo.”

⁶⁸⁹ Ngwambile ngwami, “Mukiko kaha. Enu mwatela kumunyika cha linongo jino, kaha kalalwola enu tambukenu muli *eyi* jila, chize kumunyika nachitwalilaho hali enu. Kchi enu namutwalilaho, chize kumunyika nachiya nakutwalilaho na enu.”

⁶⁹⁰ Kaha enu lingenu echi chimene, ove unatondo Kulishitu, uze Kapilishitu wamunene Wakulitulaho, uze Mukakuhajika misongo yenu, mokomoko misongo yenu, mokomoko mwono wove. Ove pamo kaweshi kuhasa kwivwushisa Echiko. Etu katweshi kuhasako. Oloze etu vatulweka kupwa “Kutambuka mu Kumunyika nge Ikiye kupwa Kumunyika.” Enu tambukenu tambo yimwe mu Kumunyika. Kaha omwo enu napuwa na Kumunyika na enu, chize Kumunyika nachiya nakutemwina

nakwingila mu likumbi lya kukupuka. Nachiya nakulama jila kumeso enu.

Kaha etu natuya nakutambuka hamavu mujila
yamwaka,
Kwambulula kwosena Nangukaya,
Nachipwa chamwaza kupwa lwola lwa
Mukakulishitu wamwaka, Mwata,
Kuhambakana kalachuma Ngunatachikiza.

Kwivwa uze mwaso wamwaka?

Kakweshi chuma nge lwola lwa Mukakulishitu
wamwaka,
Mukakulishitu zangi kusolola;
Etu tuli nakutambuka hamavu amwaka mujila
yahelu,
Kaha kwambulula kwosena etu natuya,
Chatela kupwa Mukakulishitu wamwaka,
Mwata,
Kuhambakana kala chuma Ngunatachikiza.

⁶⁹¹ Ngwazanga kaha echi. Chosena chakwoloka. Jino etu natuya nakulombelela vakakuviza. Etu katweshi...Etu katweshi nakukala nge tunahase kuka mukakuviza. Kachi etu natulinga, etu natuya nakwambulula kalachuma chakuhenga. Kala muthu ali nakuviza muno ali lyehi wakuhinduka. Omu mukiko yahanjika Chisoneka. "Ha mikiki Yenyi etu twahinduka." Echi chakwoloka?

⁶⁹² Mukashili wosena uze ali muno, kachi kuze chasolokanga kupwa umwe, ove vanakulwili kufuma haze Yesu afwile. Oloze kanda ove mufwa muno hano vahakalisesa lyove kupwa lyakuhaka kumeso ove, kuya Kumeso Eyi kahajino kweseka kwitavila Echi. Echi vanachilingisa jino. Hano vene enu mwatela kwitavila Echi. Kachi enu namuya kusali ya Manyinga, kahajino enu kamweshi chumako oloze...Enu vanamisopesa lyehi, mwomwo ove vakusopesa na jila ize ove watwale Kutomesa cha Mwata Yesu Kulishitu. Talenu? Ove unapu...ove mukakusopea ove lyavene.

⁶⁹³ "Shikaho Ikiye vamulemekele hakuzombojoka chetu jishimbi, kaha ha mikiki Yenyi etu twahinduka." Shikaho, kakweshi chumachimweko Ngulinacho, kuhindula enu. Kakweshi chuma liuka linahase, kumihindula. Chuma kaha etu twatela kulomba hali echi, nge lufwelelo lwove kalweshi kuhonako, nge ove nauya nakwiza kukamenga chino chimene na kwitavila Kulishitu kupwa Mukakuka chove, nge omu ove walingile hali Mulwilo wove. Kaha chakuzeneka kala... Kalunga kuzata vikomwesa. Ikiye alisolwele chinjikizo chachinene. Kapuputa, kajika matwitwi, vyumavimwe, vanahinduka hano vene ha mbalaka. Oloze chipwe mukiko

mokomoko chiku, etu Tunachitavila, mwosena omwo. Lwola lwaluvulu vyuma kana vili ha vimweno.

⁶⁹⁴ Vangahi vali hano ha Chalumingo cha kunyima okwo, mokomoko fwo, omwo muthu mweza hano, vosena vavali nakapuputa na wakalepa, mokomoko kutwama muchitwa nakuhona kwimana kanawa? Kaha shimbu kanda Nguyenga kwimbo, Ngwamumwene ikiye mu chimweno, “Kuze kuli muthu kuze, jikambu jilavalava, kwalumuka ngengu. Pwevo lyenyi ali nakulukwisa nakutala hali pwevo, mwahichi myaka sikisite yakusemuka. Ikiye mwaya nakwiza nakupwa nakulila,” kaha ikiye mwakaya nakunguhula yami. “Kaha kukinduluka na kumulombelela lunga lyenyi.” Ikiye atwamine haze.

⁶⁹⁵ Kaha Ngwejile hamavu. Ngwambile ngwami kuli vamwe vandumbwami hano, “Tala echi.”

⁶⁹⁶ Kaha omwo etu twayile kukamenga, veka vanalombo. Omwo Ngwayile nakulomba, Ngwatambukile nakuya na kwiza cheka kuno. Kaha pwevo lyenyi asangukile kaha ejile vene mujila Mwata ahanjikile nge nachiya nakupwa. Vathu veji kutala, kumona kachi nachiya nakusoloka mujila kana. Kachahoneneko. Kaha shikaho omwo ikiye atambukile. . .

⁶⁹⁷ Twaya uwane, nge muthu, Ndotolo Ackerman, kupwa muze mu Birdseye, Indiana, apwile umwe uze vatumine hano; hiya muka katolika, kaha kanyike kenya walunga kupwa kapilishitu mu chifwanyisa haze ha Meinrad. Kaha Ndotolo Ackerman mukwetu chinyanga, kaha ikiye vamutumine muthu kuze. Kaha Mwata kungusolwela muthu wamutwe wilava uze ahashile kumutuma ikiye, oloze Ngwahonene kutachikiza apwile hiya.

⁶⁹⁸ Ngwambile ngwami, “Apwile ndotolo Ackerman?”

⁶⁹⁹ Ikiye ngwenyi, “Echi chapwile.” Talenu? Kaha jino uze muthu. . .

⁷⁰⁰ Ngwambile ngwami, “Echi chili MWANAMBE MWATA.” Kutambuka nakuya. Ngwambile ngwami, “Mwane, imana.” Vosena vavali tupuputa kaha kaveshi. . .ikiye. . .Jize—jize ja mbalaka vanayi. Ikiye kahashile kulikwachilila nge ngachizeko. Talenu? Hakupwa jila hamyaka, chinapunga kuli chingenge chambongi nakujingulukangammo. Kaha alombele kumulombela, kaha kusanguka. Kuze kukiko ikiye ayile, kutambuka nakushikumuka.

⁷⁰¹ Chatete ikiye ambile ngwenyi, “Kangweshi nakukumonako.” Jino ikiye atambakanyine, “Eyo. Ngunahase.” Meso eyi kwiza nakusokoloka kuze, ikiye hakupwa ka Orthodox, pwevo lyenyi, Pulishiteliyani.

⁷⁰² Vamwe vathu kushinganyeka nge “Pulishiteliyani kavatambakanako, kaha Orthodox.” Enu mwatela kuvwevwulila vakiko. punduvvene. Vakiko vapwile nakutambakana na kulikumbata umwe namukwavo. Kinduluka

nakupwa kumbata liwilo cha chitwama chakalikoke, kaha kutambuka nakuya na kushikumuka jitambo, kupwa kaha nge muthu mukwavo, vanahase kumona na kuhanjika na—na vyangocho.

⁷⁰³ Apwile na mukanda kufuma kuli ikiye, mokomoko kusanyika, likumbi likwavo. Ngwafwelela, Ndumbu walunga Cox ayile kuli ikiye. Ngwenyi, “Meso eyi apwile na kwivwa kutambuka mumujimba.” Punduvene. Wapwile mushisa, mushisa wamuliso kutemuka kaha kwiza cheka muchiyoyelo, munatachikiza, kaha kumbata chihela. Chize changu chapwile chakufuma.

⁷⁰⁴ Kachi ove muya kwecha tengeso kuya mujila yacho, kachi kakwechi chuma chakuhonesa tengeso, jino nachiya—nachiya kupwa wakulishinga mwosena. Kachi ove namulikasa kumavoko ove, kuvafwijila kufuma kutambukisa manyinga, livoko lyove vyatela kufwa. Jino, mwomwo, muchisemwa, nachiya nakupwa chakwoloka kachi ove mucheche kaha ukawacho. Oloze chumachimwe kulumbununa chisemwa. Kahajino, kachi enu kamweshi kuhasa kumona echiko, kakweshi jila yimwe ya ndotolo kuchikwachilila. Echi chikiko kaha chuma ikiye nahase kuzata: chuma muka ikiye mwamona na ocho ikiye kwivwa. Echi chikiko kaha chuma ikiye nahase kuzata: chuma muka ikiye mwamona na ocho ikiye kwivwa.

⁷⁰⁵ Kachi ikiye mwahonene kumona echi, kahajino chatela kupwa mushipilitu. Kahajino kuli kaha, chuma chimwe chinahase kusoloka; etu twalombo, Kulishitu kufumisa changu, kutuma nakufumisa liyavolo, kaha kuputuka nakupwa kanawa, chamwaza. Mbata chamwaza, kaha mukiko kaha chatela kupwa. “Mu Lijina Lyami vakiko navakatapula vandemone.” Echi chakwoloka? Elu lunapu lushiko kuliuka. Lunapu lushiko lwa ngolo. Chuma muka? Echi, chinapu Kupwa Chenyi na etu. Jino, chuma muka chinalingisa etu kufuma mu chimene chino, kulinga vize vyuma kana nge omu Ikiye alingile, mwomwo etu hanga tuli mu lihina. Talenu? Oloze etu tukwechi kwivwa chimwe kuze chize cheji kukulweka, “Mamalelo, eyo.” Talenu?

⁷⁰⁶ Kaha omwo enu namwitavila kuka chenu, chipwe lihina nalihanjika ika, shina omu Lizu linahanjika. Talenu? Mukiko kaha. Mukiko kaha. Kaha—eli—eli Lizu lwola lwosena kupwa mukakuyula wakumo kalachuma. Lizu lya Hayamyaka lya Kalunga!

⁷⁰⁷ Tala hali Sala, lijimo lya kufwa, na myaka nayite yakusemuka, kuyoya hamwe nalunga lyenyi kufuma haze ikiye apwile pamo sikisiteni mokomoko seveteni, chakuzeneka vana; Apalahama, handulendi. Kalunga alumukile kaha avahanyine kemba. Talenu? Mwomwo, vakiko vafwelelele. Vakiko vakusanyika vize vyuma vize kavyapwilengako, nge omu vapwilenga. Kwingila muli eyi jila chimene chino, sepa.

708 Kaha ufukuuno, etu tuli nakuvandamina...Kachi enu vosenamuya nakushindakana na etu, etu tunawahilila kupwana enu hano chimene chino. Kaha Kalunga apwenga na enu. Kaha kachi enu muli mu mbongi ya chingoloshi, etu natuya nakukuwahilila kupwana enu chingoloshi chino ha kutanga chosena, cha Mechizendeke. Kaha jino kachi ove kaweshi ko, kaha uli na liuka lyove ove lyavene, ove yako kuliuka lyove. Echi—echi chinapu mulimo wove. Kachi ove wakupandama kuliuka, ove yako kuze. Eyi ikiko mbalaka yayindende kuze etu tweji kukungulukanga hano na kupwana kulikata umwe namukwavo. Jino, ou Mwata amikisule.

709 Kaha Ndumbu wapwevo Gertie mwaya nakutumbula etu, *Ou Chimbanda Chimbanda Wamunene Jino Echi chinapu Hakamwihii*. Kaha kuliko umwe hano vatela kungulombelela? Katula livoko lyove, owo natondo kwiza mumukana wakulombelela, kuhaka lufwelelo lwove kuli Kulishitu. Chosena chakwoloka. Kachi enu namuya mumukana wa *eli* liuka, kachi enu namuhasa. Kachi enu namuya mumukana wa liuka, kachi enu namuhasa, shikaho uze etu kupwana kapete kakandende kupwana muze na kuhasa kuneha vamwe kuhita. Kwiza *kusali* eyi.

710 Kaha etu tuli nakuya nakulomba jino, shimbu etu natwimba. Kaha Nguli nakuya nakuhula vakulwane hano, kala chikungulwilo mokomoko liuka chipwe ngachilihi omwo chili, kachi ove unafwelela mu kuka cha Ukalunga, nauya na kwimana hamwe na yami hano ku, kulombelela vakakuviza? Etu natuya nakupwana vakuwahilila kupwana enu. Kala chikungulwilo, mokomoko chikungulwilo, mokomoko kala chuma ove wapwana, etu natuya nakupwana vakuwahilila kupwana ove. Munahase kwiza jino, nakukulombela? Twaya hano nakwimana na yami.

Ndumbu walunga Neville, kachi enu namuya nakwiza na maji.



HEPELEU, KAPETULU KAMUCHITANU NAKAMWE 3 LVE57-0915M
(Hebrews, Chapter Six 3)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo chimene, Katundwe 15, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org